

Buskeda ta continua pa yate Energy cu cuatro persona abordo



Pagina 2

- **Comision 11 di CAPA ta gana caso contra directiva den corte** Pagina 4

- **Schiphol ta pusha 10 biyon euro pa acomoda e aumento di biaheronan di 25%** Pagina 9

- **Zelenskyy ta nombra prome minister nobo** Pagina 23

CAft: Usa surplus pa desaroya planta RWZI



Pagina 3

Ecuador: Daniel Noboa a manda proposicion pa castracion kimico pa violadornan pa Corte Constitucional



Pagina 11

Carta di tarifa di Trump ta crea conmocion entre lidernan mundial



THE WHITE HOUSE Pagina 22

Buskeda ta continua pa yate Energy cu cuatro persona abordo

Ayera durante dia, Ward-acosta di Aruba y partnernan internacional a continua e buskeda pa e barco cu a sali for di Aruba cu cuatro persona abordo y a desaparece.

Relaciona cu e situacion di e yate "Energy" cu ta perdi riba lama desde diasabra, Minister di Husticia mr. drs. Arthur Dowers a duna un declaracion na prensa den cual a sigura comunidad cu ta haciendo tur esfuerso posibel pa localisa e piscadonan.

Segun un comunicado di gobierno, Kustwacht ta haciendo tur esfuerso y ta usando modelonan computarisa maritimo manera e coriente di lama y direccion y forsa di biento pa haci calculacion di mas o menos den cual area e boto por ta, pero te ainda tur intento ta en vano. Mientrastanto, no por descarta cu e yate por a sali caba pafo di awanan territorial di Aruba, pa cual a tuma contacto cu autoridad Colombiano pa duna un man den e buskeda. Minister Dowers a informa cu



Setar a "ping" e ultimo lugar na unda a haya señal di celular prome cu e perde contacto y a logra determina e area den cual a cuminsa busca.

Ayera, prome minister Mike Eman a duna prensa local un actualisacion riba e caso for di Mariniers Kazerne.

Premier Eman a cuminsa bisa cu ayera tardi a "reuni basta largo" cu miembronan di Kustwacht y famia di e desaparecidonan, unda Kustwacht a duna un resumen di

tur e investigacion cu ta haciendo na e momento aki. Segun Eman, "tur e aparatonan di Kustwacht a wordo utiliza, ayera hopi ora di buskeda cu avion, buskeda cu helicopter. Awe mainta di 7or y mey atrobe buskeda cu avion," y atardi e avionnan a sali atrobe. Prome minister a expresa cu por sinti cu Kustwacht ta haciendo tur loke por wordo haci pa localisa e cuatro Arubiano desaparecido lo mas pronto posible, y a expresa su speransa cu lo tin un resulta-

do positivo y lo haya e boto cu e tripulantenan na bida. "Casonan asina tin hopi, caminda cu despues di basta dia toch a logra di haya tur hende sano y salvo. Kiermen laga nos keda cu e fe ey, y nos tin tur confiansa tambe cu Kustwacht ta haciendo di su parti."

Premier Eman a bisa tambe cu Kustwacht a notifica tur barco y avion civil cu por ta pasando door di e area, "pa tira un bista" y colabora cu e buskeda, enfatizando cu tem-

po ta esencial.

Hefe di Kustwacht, Capitan Mark Solognier, a bisa cu pa ayera tardi tabata buscando den un area "basta leu", cu e avion. "Nos no ta give up. Nos ta sigui busca te unda cu por," Capitan Solognier a bisa prensa local. El a enfatisa tambe cu tin contacto constante cu famia di e desaparecidonan. Contestando si tin colaboracion di otro pais den e buskeda, Solognier a bisa cu "tin bon contacto cu Venezuela y Colombia tambe" den e parti di Search and Rescue. Ademas, Solognier a splica cu "ta wordo proyecta a base di un programa cu nos tin" den ki area mester busca e barco, y pa esaki, ayera a usa avion y no barco di Kustwacht, pa motibo cu ta basta leu. "E ta un area basta west di Aruba," Solognier a bisa. E buskeda ta continua "te ora cu solo baha," el a informa.

Te cu ciere di e edicion aki, no tabatin mas informacion.

TWO: "Tur partido involucra ta realisa cu nan mester logra cu recurso scars"

Recientemente, Organizacion di Trabao Temporal (TWO), cu ta traha hunto cu Aruba riba implementacion di e reformanan relaciona cu e Landspakket cu Hulanda a acorda cu Aruba, a publica su Rapport Anual 2024. Den esaki, a dedica un capitulo na salubridad publico na Aruba.

Edwin Brugman ta un consehero di cuido di salud y ex-director di asociacion di proveedornan di cuido VvAA na Hulanda. E tin background den administracion, consultancy y rolnan di supervision, y tin experiencia extenso den e financiamiento y organisacion di cuido di salud. Despues di traha pa un tempo como consehero pa ministerio di Salubridad Publico na Aruba, na mita di 2023 el a keda nombra como coordinador independiente di e Acuerdo di Cuido di Salud firma na Aruba.

"Cuido di salud na Aruba ainda ta hopi pagable y tambe accesible pa tur ciudadano, y cu un desaroyo positivo di economia cu ta spera pa keda asina pa algun tempo. Pero



manera tur otro pais, Aruba mester ta critico den e alocacion di recurso. Cooperacion entre proveedornan di cuido di salud y institucionnan, y construi confiansa entre e sector, seguro, y politica ta esencial," Brugman a bisa. "Hunto nos mester confronta e retonan: enbehecemento, tension den mercado laboral, y presion aumentando riba cuido di salud pa motibo di malesanan cronico, manera diabetes y condicionnan relaciona cu diabetes. Por logra esaki mediante cooperacion mas efectivo entre stakeholdernan den sector di cuido di salud: AZV, e institucionnan, y e proveedornan di cuido."

Esaki ta e motibo pakico, na 2023, e Acuerdo di Cuido di Salud pa Organizacion Sostenible di Salud na Aruba a keda firma pa e stakeholdernan clave den e sector na Aruba:

Ministerio di Salubridad Publico, Organizacion General di Implementacion di Seguro di Salud (AZV), Institucionnan di cuido di salud, y Representantenan di proveedornan di cuido di salud.

Segun TWO, na 2024 a tuma stapnan concreto pa duna forma na e acuerdo. A nombra Brugman na 2023

como e coordinador independiente di e Acuerdo di Cuido di Salud firma. E tabata involucra caba den formacion di e acuerdo hunto cu profesor Dr. Patrick Jeurissen, economista di salud afilia cu Radboud UMC. Ministerio di Turismo y Salubridad Publico (den Gabinete Wever-Croes) a pidi profesor Jeurissen, dentro di e marco di e Landspakket, pa duna conseho riba e sostenibilidad structural di cuido di salud a largo plaso.

Despues di firma e Acuerdo di Cuido di Salud, stakeholdernan a sinti e necesidad pa un partido independiente guia e implementacion di e proyectonan resultando di e acuerdo. Den su rol como coordinador, Brugman ta monitoria progreso y ta sigui ra e participacion di tur partido relevante. Brugman ta splica pakico e acuerdo aki ta asina importante pa Aruba.

Miho comprension

E Acuerdo di Cuido di Salud ta resultado di consulta intensivo entre stakeholdernan tocante e futuro di cuido di salud na Aruba.

"Tur partido involucra ta re-

alisa cu nan mester logra cu recurso scars. E realizacion aki ta duna un base solido pa e compromiso pa conhuntamente duna forma na un sistema di cuido di salud cu ta prepara pa futuro. E necesidad pa comprension mutuo, scucha di otro y tuma otro na serio a bira mas y mas aparente den e proceso aki. Y esey ta crea un dinamica diferente," Brugman a bisa.

"E reto awo ta pa mantene e actitud abierto aki y no cay back den patronchinan bieu," el a continua. "Esey ta un tarea pa tur esnan involucra. Den mi rol como coordinador, mi ta purba contribui na esey, specialmente door di clarifica rol y expectativa. E implementacion di e acuerdo ta pasa riba cuatro fluho di trabao cu ta involucra diferente topico y diferente participante. Hunto nan ta forma un unidad completo, y e gruponan di trabao ta conecta cu otro. E coherencia aki ta importante. Na mes momento, tambe ta yuda ora ocasionalmente nos tuma un stap atras pa mira con cos ta bayendo en general. Den esaki, mi ta purba di ta e spiel y e conector."

Ya cu no ta bay logra realisa tur inversion planea pa 2025...

CAft: Usa surplus pa proyecto di planta RWZI

Recientemente a keda publica e reaccion di Colegio di Supervision Financiero (CAft) riba e rapport di implementacion di Landspakket pa prome kwartaal di 2025. Presidente di CAft, Lidewijde Ongerling a comunica esaki mediante un carta na minister di Finanzas, Geoffrey Wever.

Den e carta, CAft ta menciona cu e prome rapport di implementacion ta muestra un surplus provisional di Afl. 122 miyon, ekivalente na 1.7 por ciento di GDP. "Aruba actualmente ta cumpli cu e standard di balans financiero di sector colectivo, como tambe e standard di gasto di personal," e carta ta bisa. "E tasa di debe ta bahando di manera stabiel, y e pais ta na caminda pa alcanza un tasa di debe di 50 por ciento prome cu aña 2040." CAft ta indica ademas cu mas reduccion di debe ta posible si aloca e surplus den e fondonan di cuido di salud y seguridad social pa e proposito aki. Pero ta adverti cu inversion ta cay atras significativamente.

E prome agenda di implementacion ta muestra un surplus provisional di Afl. 122 miyon pa sector colectivo. Pa fin di 2025, Aruba ta spera un surplus di Afl. 256 miyon. E prome propuesta di presupuesto cu amienda (OBW) di 2025 a proyecta un surplus di Afl. 192 miyon.

CAft ta observa un desaroyo favorable den entrada di impuesto, specialmente di impuesto indirecto. Si e tendencia aki continua, gobierno lo por spera di ricibi mas entrada di loke a spera.

Mirando e desaroyonan geopolitico y e incertidumbre economico asocia, CAft ta considera prudente pa no ahusta e presupuesto ainda – particularmente pasobra cu desaroyonan den economia Mericano por afecta sector di turismo.

CAft ta conseha monitoreo mensual pa evalua si e resultadonan ta desvia di proyectacionnan y pa inclui cualkier ahuste den e segundo amienda di presupuesto.

Tocante costo di personal, te cu 31 di maart ultimo, e gasto di personal a alcanza Afl. 122 miyon. Pa 2025, e gastonan aki ta calcula na alrededor di



7 por ciento di GDP, kedando dentro di e limite di 10 por ciento, cu ta bay ta na vigor desde 2027. Sinembargo, Aruba mester continua su esfuersonan pa controla gasto di personal den proximo añanan.

Tocante e tasa di debe, CAft a comenta cu te cu fin di maart 2025, debe di Aruba ta Afl. 5.145 biyon, un aumento di Afl. 124 miyon compara cu e mesun periodo na 2024. E tasa di debe-pa-GDP ta 70 por ciento (pa e pais, no e sector colectivo, di cual su composicion ainda no ta determina.)

E tasa di debe ta keda vulnerable pa shock economico, y pago di interes (16 por ciento di debe) ta continua un peso grandi. Mester baha e debe mas ainda pa reforsa e resiliencia financiero di Aruba. Anteriormente, CAft a conseha acuerdonan rapido cu AZV y SVb pa usa nan surplus pa paga back debe, mientras ta observa rekisitonan legal di reserva. Si usa e fondonan aki pa paga debe externo, lo reduci e debe di sector colectivo y spaar den pago di interes.

Mientras tanto, CAft a nota cu inversion ta kedando atras. Aruba a presupuesto Afl. 71 miyon den inversion pa 2025. Sinembargo, apenas a realisa Afl. 0.2 miyon den prome kwartaal. Sector di construccion – pa motibo di crecimiento economico continuo – a causa retraso den proceduranan di contratacion pa proyectonan di inversion financia pa gobierno. Esaki

ta confirma e advertencia anterior di CAft, cu no ta bay logra realisa tur inversion planea pa 2025.

CAft ta conseha Aruba pa desaroya un agenda di inversion multianual alineada cu prioridadnan di politica y capacidad di implementacion. Mester substancia e inversion y evalua su factibilidad. Actualmente, no ta cla cua proyecto ta ehecutando bao di e presupuesto di Afl. 71 miyon.

CAft ta pronostica cu no ta bay realisa tur inversion presupuesta e aña aki. Consistente cu conseho anterior riba e planta di maneho di awa di riool (RWZI), CAft ta resalta e posibilidad di aloca (parti di) e espacio disponible pa inversion pa e proyecto aki. Si enfoca recurso riba un proyecto specifico, lo por ta mas facil pa organisa y mancha su ehecucion.

Den e parti di splicacion y substanciacion numerico, basa riba e rapport di implementacion y OBW 2025 di Aruba, CAft a nota cu den prome kwartaal di aña, Aruba a realisa Afl. 415 miyon den entrada – cual ta Afl. 4 miyon

(alrededor di 1%) mas cu den prome kwartaal di 2024. Entrada di impuesto a aumenta cu Afl. 36 miyon, mientras otro entrada a baha cu Afl. 34 miyon compara cu e mesun periodo aña pasa.

Entrada di impuesto a aumenta cu Afl. 36 miyon compara cu prome kwartaal di 2024, completamente pa motibo di impuesto indirecto mas halto (Afl. 48 miyon). Impuesto directo a cay cu Afl. 12 miyon, en gran parti pa motibo di e reduccion di e tarifa di inkomstenbelasting di 10 por ciento pa 0 por ciento for di dia 1 di januari 2025.

Loke a impulsa e aumento den impuesto indirecto tabata BBO/BAVP (Afl. 9 miyon), invoerrechten (Afl. 7 miyon), toeristenheffing (Afl. 29 miyon), y aumento neto excluyendo reclasificacion (Afl. 19 miyon).

Otro entradanan di gobierno a baha cu Afl. 34 miyon, principalmente pa motibo di e reclasificacion di toeristenheffing y e realisacion mas abao di diferente entrada (Afl. 9 miyon). E agenda di implementacion no ta inclui un splicacion pa e caida aki.

Pa loke ta gasto, e gasto total den prome kwartaal di 2025 tabata Afl. 370 miyon, un aumento di Afl. 21 miyon (9 por ciento) riba e prome kwartaal di 2024.

Gasto di personal a aumenta cu Afl. 11 miyon na Afl. 122 miyon, vincula na indexering implementa den di dos mita di 2024.

Subsidio a aumenta cu Afl. 7 miyon na Afl. 61 miyon.

A pesar di e aumento, ehecucion ta keda den linea cu presupuesto.

Kapitaaldienst a muestra un resultado positivo di Afl. 5 miyon den prome kwartaal di 2025.

Ingreso tabata Afl. 10 miyon, principalmente di liberacion

di depreciacion; Gasto tabata Afl. 5 miyon, principalmente pa prestamo pa estudiante.

Di e Afl. 71 miyon den presupuesto di inversion pa 2025, apenas a realisa 1 por ciento den prome kwartaal. Basa riba subutilisacion structural den añanan anterior, CAft ta hay'e irrealistico pa spera ehecucion completo den 2025 y ta sugeri pa reloca recurso – entre otro na e planta di maneho di awa (RWZI).

Tocante maneho financiero, CAft a nota cu como parti di e Landspakket, Aruba ta trahando pa reforsa maneho financiero, y a logra progreso. A elimina atraso den entrega di rapport di implementacion, a entrega e cuentanan financiero pa 2019 y 2020 na Algemene Rekenkamer, y e resto di e cuentanan ta bay keda entrega e aña aki.

Entidadnan

CAft tambe a duna algun informacion tocante entidadnan estatal, notando cu e resultadonan positivo pa e prome kwartaal 2025 ta principalmente pa surplus. AZV tabatin un surplus di Afl. 19 miyon (cu tabata proyecta na Afl. 71 miyon, Afl. 4 miyon mas cu loke a presupuesta). SvB tabatin un surplus di 24 miyon (alineado cu presupuesto), y ATA tabatin un surplus di Afl. 29 miyon.

Aruba y Hulanda ta determina conhuntamente, bianualmente y cu conseho di CBS Aruba y CBS Hulanda, cua entidad legal ta pertenece na sector colectivo pa e proximo aña fiscal. Pa 2025, e composicion aki ainda mester keda estableci formalmente pa e ministerio Hulandes di Interior y Asunto di Reino (BZK).

CAft ta enfatisa e importancia di un maneho uniforme na Aruba, Corsou y Sint Maarten.



Comision 11 di CAPA ta gana caso contra directiva den corte

Despues di a bay corte pa un caso contra directiva di CAPA, hues a dicta un sentencia dia 1 di juli cu tabata na fabor di comision 11. Den e sentencia aki, hues a duna ordo pa e directiva di CAPA duna na comision 11 e registro di e miembronan di CAPA.

Pa nos por compronde ken CAPA ta, prome ta util pa nos sa di unda CAPA ta bin.

SEPPA ta un sindicato y un sindicato ta un organisacion forma pa trahadornan cu ta uni y usa nan forza pa tin un bos den e lugan di trabao. Via nan union, e empleadonan ta haya e habilidad di por negocia for di un posicion di peso cu e dunadonan di trabao varios cos manera salario, beneficionan, condicionnan laboral, training y otro topiconan relaciona cu trabao. E sindicatonan tambe tin un rol importante den garantisa cu e maneho lo actua di manera husto y trata tur su empleadonan cu respet. Un sindicato ta un organisacion democratico y su lidernan ta elegi pa e mesun miembronan. Den caso specifico di SEPPA, e punto aki ta uno cu recientemente ta causando preocupacion, pero nos lo trata e parti aki especificamente mas adelante.

Un sindicato ta util pa motibo cu e probabilidadnan di yega na logro ta hopi mas halto a causa di e forza den su bos como representante di tur e empleadonan. Ora cu un sindicato organisa, e tin e forza di logra un cambio real y hunto papia cu un solo bos cu no por ser ignora ni pa e dunadonan di empleo ni tampoco pa oficialnan den cualquier nivel.

Di aki ta unda CAPA ta

bin, cual ta e centro di e caso en cuestion. CAPA ta un cooperativa di e miembronan di SEPPA.

Un cooperativa ta un asociacion cu ta propiedad di, maneha pa y controla pa su miembronan pa realisa nan aspiracionnan y necesidad economico, social y cultural comun. Un cooperativa por uni hende den un manera democratico y igual. Sea cu e miembronan ta e empleadonan, usuarioonan of residentenan, e cooperativa ta maneha di un manera democratico. E miembronan ta comparti derecho di voto igual sin importa e cantidad di capital cu nan ta aporta na e empresa. CAPA tin mas di 1,500 miembro y cada miembro por spaar placa, ricibi un interes cu hopi biaha ta mas halto cu esun di banco priva, y ora ta den necesidad, e miembro por fia te hasta 25,000 florin cu un interes mas abao.

Pa motibo cu e forma aki di coopera ta un organisacion habri pa miembronan por coopera cu otro y unda ta maneha cosnan cu ta rekeri un grado halto di responsabilidad, e accesibilidad di tur e miembronan na informacion manera nomber, adres, telefon, entre otro, ta indispensable pa motibo cu esaki ta necesario pa ora di mester coopera of comunica cu otro. Pa motibo aki CAPA tin e articulo 30 den su statuton, unda ta dicta cu e registro semper mester ta disponible pa e miembronan.

CAPA ta maneha alrededor di 7 miyon florin, cual ta haci esaki un cooperativa grandi y e funcion di tesorero uno principal. E tesorero di CAPA tin varios tempo ta nenga di



duna cuenta na e miembronan di e cooperativa tocante un robo di 382,000 florin y pa e motibo aki Comision 11 a lanta un caso den su contra na corte, caso cual e comision a gana.

Un miembro di comision 11 a comparti algun informacion tocante e caso, tanto di su origen como tambe e resultado y su desaroyo despues di esaki.

Segun e informacion cu a comparti, e mesun persona cu ta tesorera di CAPA, tambe tin e funcion di secretario general di SEPPA. E caso a surgi ora cu den CAPA a horta 382,000 florin. Segun e miembro di comision 11, “nan a tuma un persona den servicio y e persona aki a orkestra henter e ladroncia.” Tin rumor ta circula cu ta alega cu e persona aki tin conexion personal na familiar di e persona cu ta tanto sec-

retario general como tesorero di CAPA.

Manera nos a menciona, segun e statuut di CAPA ta obligatorio pa e miembronan tin acceso na e registro, cual den e caso aki a nenga di duna e miembronan acceso y pa motibo aki ta constitui un violacion. Hues tambe a ripiti esaki. Segun e miembro a conta, mientras a trata e caso den corte, e hues a declara cu no lo obliga e directiva yama un reunion general pa motibo cu esaki ta hancra den e statutonnan caba “usando e registro di miembronan y articulo di statutonnan nr. 21, lid 4.” A base di esaki, e miembronan por yega na un cantidad di firma unda por obliga e directiva yama un reunion general y aki na su turno por pidi cuenta tocante e robo di 382,000 florin. Den caso cu e directiva no haci esaki, e miembronan mes por yama e reunion y tur decision ta considera legal.

Cu tur esaki tuma den consideracion, ta mas cu cla cu pa medio di nenga e miembronan acceso na e registro, e directiva di CAPA no a aplica e statutonnan y ta automaticamente constitui un violacion di esaki. “Pa tur miembro y sigur pa e lidernan, e aplicacion di un statuut ta algo sagrado y violacion ta un delito pisa, cual ta motibo den e caso aki pa raya e directiva di CAPA,” e miembro a declara.

Segun e miembro di comision 11 tocante esaki a comenta cu “e caso no tin nada di haci na Hoge Beroep pasobra

hues a bisa caba ‘no, e ta poni den statuut bo mester respeta e statuut.’” Tin di nota, cu e consehero di e tesorero a manda un notificacion unda lo bay Hoge Beroep cu e caso aki. Straño ta cu segun e miembro di comision 11 a menciona, e abogado cu a defende CAPA den corte, no a actua mas. Esaki ta duna e impresion o ta laga asumi cu den e caso aki, e no ta di acuerdo cu e decision y posiblemente ta di e pensamiento cu e caso aki su victoria pa comision 11 ta uno indiscutible.

Tumando e notificacion aki na cuenta, na final aunke Comision 11 a logra e victoria den corte, e caso lo mester sigui desaroya y lo mester sigui lucha pa comproba e violacion di statuut cu ta acusa den e caso y pa yega na e acceso na cual tin derecho.

E miembronan di Comision 11 lo reuni, y aki lo tuma decision tocante cua ta e proximo pasonan cu lo tuma.



Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)

Angenette Figueroa (closer editor)

Leo Maduro

Raisa Montilla

Oriana Geerman

Ehecutivo di Benta

Sulaika Croes

sulaika.croes@cspnv.com

Mark Gomes

mark.gomes@cspnv.com

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)

Pablo Libre

Press

Roland Schenker (Hefe)

Omar Ramirez

Martin Boekhoudt

Francis Dirksz

Colaboracion

Associated Press

Ret Karibense

Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22

Tel: 582-7800

Email: noticia@bondia.com

aviso@bondia.com

info@bondia.com

Website: www.bondia.com

Facebook: @bondianoticia

Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



Editorial

Reforestacion lo ta... *Un bon idea...?*

A surgi e idea pa lanza un programa di reforestacion na nos isla, cu lo por topa cu bastante entusiasmo. Al menos, esey nos tambe ta spera. Porfin siquiera ta lanta voz pa haci algo cu mester a cuminsa varios decada atras, esta contraresta e tendencia di destruccion di naturaleza na un escala simplemente tristo. Como agravante, e lider den e destruccion aki tabata e actor principal, e subsiguiente gobiernonan cu no a desea di duna prioridad na mantene nos medio ambiente mas intacto posible, mirando e destruccion cu un urbanizacion mal planifica tabata causa. Pero careciendo vision y oido a e desaroyo negativo aki, awe nos ta unda nos ta, y mester contempla loke por salba ainda.

Nos ta corda cu varios aña e anterior secretario di corte, y despues miembro di Raad van State pa Aruba a comenta cu Aruba tabatin mester di un plan pa planta 500.000 mata. Mas cu un posible sonrisa sarcastico riba cara di algun politico e idea ey no a haya, pero ata nos tanto aña despues cu un idea similar, cu atrobe e pregunta si ta logra no haya oido so, sino tambe sosten serio den tur sentido pa e plan aki. Pero laga nos autoridadnan e beneficio di duda encunto tempo pa cuminsa actua.

Mientras tanto, ta importante señala cu e idea aki no ta surgi den un bashi, sino cu e tin raiz profundo historico na hopi pais na mundo. Humanidad no ta lidiando cu problema di destruccion di habitat natural y consecuencia manera erosion di tera, cu ta menaza tereno den uso pa agricultura, por lo tanto un menaza pa seguridad alimentario. Pero un bon maneho di vegetacion ta bay mas leu cu esey. Vegetacion como manera pa separa propiedad den agricultura y cria di animal ta percura tambe pa duna proteccion na diferente forma di bida, manera pahra y varios otro animal.

Pero tin un motibo mas pa dedica atencion na vegetacion den planificacion teritorial. Na hopi pais topical por mira con e careteranan mas antiguo ta marca pa un doble careda di mata grandi pa decenas di kilometro sin interrupcion, pa duna sombra na e personanan cu tabata transita e camindanan ey den pleno solo. Por ehemplo na varios parti di Africa por mira careda interminable di enorme mata di mango na ambos banda di caminda. Aki no por falta referi na nos propio pasado unda varios caminda principal tabata pasa bao di un gran sombra di mata di kwihi, cu tabata sirbi e mesun proposito di brinda sombra. Despues, transporte cu auto a bira Rey y e rozamento di e matanan ey a cuminsa, mas bien pa ignorancia di e servicionan gubernamental cu nunca a comprende e obhetivo di tin e sombra

ey. Algun aña pasa nos por a experimenta e acto insensato di destrui e capa di vegetacion cu tabata duna sombra den Rooi Frances, cu felizmente por a conta cu un reaccion hopi rabia di varios ciudadano, cu si a comprende pakico mester respecta e tipo di vegetacion aki.

Pero, laga nos papia tambe di e retonan cu ta warda cualkier persona cu ta desea di participa den un proyecto asina. Nos ta bolbe referi na nos propio pasado unda gobierno colonial tabata emplea 'boswachter' pa combati deforestacion, unda e poblacion tabata corta mata pa haya material pa cushina, pa kima kalki y pa forno di aloe. E pasado ey no a sirbi di ehemplo den epoca moderno y awendia e destruccion di nos recursonan natural ta tumando lugar sin control. A pesar di e falta di un maneho general, tabatin intento tambe pa mehora. Asina tabatin un experimento cu a tuma lugar den añanan 60 di siglo pasa, den loke awe ta Parke Arikok, den cual a planta mata, cada un den un bari di metal, bari bieu di producto petrolero, pa proteha nan contra e cabritonan cu tabata amo y señor den e area ey. E experimento a fracasa, e cabritonan t'ey ainda, pero tambe pasobra tabata falta e conocimiento con e matanan ey lo mester a prospera den e condicionnan adverso di e clima semi-desierto di nos isla.

Un di e conclusionnan importante cu por saca di e epoca ey ta cu no por planta mata y spera cu nan ta crece riba nan mes. Nos por mira por ehemplo proyecto di reforestacion na otro pais den nos region, unda si ta posible reforesta hasta sero cu bastante grado di inclinacion, pasobra e regionnan ey conoce un temporada di yobida considerable, cu ta haci e reforestacion na un escala mayor posible.

Nos clima no ta permiti esey y segun nos opinion nos lo beneficia mas di proyecto chikito, cerca di cas, cu ta permiti controla e proceso mihor. Envez di proyecto garndi cu necesariamente ta requeri participacion gubernamental, ta parece nos mas viable organiza y coordina proyecto na escala mas chikito, den bario y tambe riba tereno priva, pa esnan cu ta desea naturalmente. Di e manera aki por garantiza e cuido di cerca cu ta necesario pa e tipo di reforestacion por logra. Un biaha mas: den nos clima no ta posible pa planta algo anto bin wak despues di un siman con ta cu e matanan. Muy probablemente bo ta bin topa cu e fracaso cu bo por a anticipa.

Finalmente, ta bin acerca e situacion actual, unda un cambio di clima pa mas cayente ainda lo existi di nos pa purba suaviza e golpi aki cu mas vegetacion posible. Esey ta existi un cambio den nos manera di pensa, cu pa 100 aña tabata duna prioridad na asfalt...

Opinion di Arturo Desimone:

Puerto Rico: Spiel di Aruba den epoca di RAft y CAft (Parti 1)

Cuidou cu Aruba bira un Puerto Rico na scala miniatura

Hopi biaha ora papia tocante condicion historico, cultural y politico di nos isla chikito, Aruba, tin custumber di ignora henter nos contexto geopolitico. Cu excepcion di e bay-bin entre caos politico of bonanza petrolero na Venezuela, ta parce cu nos no kier imagina e resto di area caminda no pida rif y calichi ta, entre Sur America y Caribe.

Tin un tendencia fantasioso di papia tocante Aruba comosifuera e ta constitui di un continente of mundo riba su mes. E mentalidad bruha aki hopi biaha ta manifesta su mes bisti den un disfraz patriotico, lora den bandera, comosifuera nos ta puntra: Kico en realidad e region aki por siña nos? Pakico compara nos mes cu pais mas pover y desdichoso di entorno? Semehante pensamento tragicomico ta yen di ironia.

Aruba no ta tribi di wak den spiel, e spiel cu ta nos propio region. Mientras mas nos ta evita dialoga cu otro sociedad tropical tocante con pa solucion problema contemporaneo na nivel regional, mas dependiente nos lo bira di e matriz di Hulanda y e otro paisnan di Noord-Atlantico, pa resolve cada problema. Tanten cu nos cera nos mes y keda bira lomba, rechasando intercambio cu cultura pariente y bisia, mas mester importa experticio realmente ahenos for di norte global, na unda cada bes tin menos pasenshi pa asunto di ex-colonia.

Varios comentarista local a yega di bisa cu Aruba lo ta miho para den un constelacion manera e islanan BES, sin examina bon e desigualdad cu a surgi na Boneiro. E activista anti-corupcion Arubiano, Armand Hessels por ehempel, di e NGO “Deugdelijk Bestuur Aruba”, ta un idealista semehante cu tin biaha ta parce incapaz di coregi un hipotesis tocante un solucion facil pa corrupcion endemico. Otro locutor local a triminti di boga pa scrap autonomia henteramente, keriendo cu e comitenan di experto y tecnocrata di Hulanda y Union Europeo tin e antidoto contra corrupcion y otro problema tropical. Pero e misioneronan moderno aki, maske nan ta declama dis-

curso di “modernisacion” y “innovacion”, hopi biaha ta usa e hermentnan conservativo: metemento, prestamo cu interes haltu, predicashi conveniente y moralista di figura manera ex-funcionario y ex-militar Raymond Knops (un di esunnan cu a introduci e estructura COHO) y su herederonan politico den Gobierno Hulandes nobo y den Union Europeo.

E reformistanan aki ta pidi algun revision necesario. Ainda tin ley na Aruba cu antiguamente West-Indische Compagnie a traha pa, por ehempel, protege privilegio y posicion di funcionario colonial.

Sinembargo, tambe ta implementa varios condicion di prestamo cu por ta hostil pa autonomia y loke por trece situacion absurdo cune (manera ausencia di luz di trafico na henter Aruba, otro medida “spaardo”).

Generalmente e clase experto ta recomenda remedi di austeridad economico: awa di maraviya ta yobe den forma di aplicacion di un teoria economico neoliberal, loke a genera inestabilidad na gran parti di mundo pa mas cu trinta aña. Nan kier wak reduccion radical den sector publico na pais relativamente nobo, pais postcolonial cu ainda tabatin necesidad di crece. E formula di “medida di austeridad” ni sikiera a traha na Europa, na unda Mark Rutte y su coleganan a sembra caos social habriendo caminda p’e demagogia di Wilders y pa e militarizacion nobo.

Kico nos por siña observando un pais cercano manera Puerto Rico? Aruba y Puerto Rico tin hopi semehansa geografico, cultural y hasta historico. Maske e isla mas grandi ta padece di problema mas drastico cu Aruba, ambos pais ta sufri di deficit democratico y ta encera un identidad compleho y mescla. Encuanto finanza, tambe ta existi e version “boricua” di CAft y RAft. Ademá tur dos isla tin frontera maritimo cu Venezuela.

Maske e isla Puerto Rico ta cay bou bandera Mericano, nan lenga vernacula no ta Ingles. Banda di Spaño, ta basta comun pa scucha Spanglish,

un mescla creativo di Spaño cu Ingles, papia na cada skina di San Juan. E Portorriqueñonan ta sinti cu nan tin mayor privilegio cu otro pais di Latino America y Caribe, danki na nan paspoort luhooso, di un pais rico cu a reemplaza España como konkistado di nan baranca.

Tambe ambos isla ta habita un limbo di confusion encuanto nan status politico. Puerto Rico ta un caso grave pasobra e no ta reconoci como otro Estado di Merca, pero tampoco e no tin autonomia. Puerto Rico no tin e mesun derechonan cu un Estado di Merca mediante un crisis financiero: no por a declara San Juan bancarota manera cu si por a haci cu e ciudad di Detroit. Di tal manera, Detroit si por a haya pordon pa su debenan colosal, mientras cu Puerto Rico ta bou di un castigo di curatela sin fin defini.

Henter un clase emigrante miyonario di Merca “continental” awendia ta muda bay Puerto Rico pa tuma solo y pa experiencia un “tax holiday” radical. Eynan e empresario Mericano no mester paga e mesun impuesto manera riba tera firme, den “Merca continental” (na California, por ehempel). Hasta e desigualdad aki ta relativamente comparabel cu e situacion na Aruba, na unda hotelero ta haya beneficio di un version nobo di e “tax holiday” di antaño, convirtiendo e isla den un paraiso fiscal cu awendia ta sisti ainda exclusivamente p’e doñonan di hotel. (Un articulo anterior cu mi a skirbi conhuntamente cu Luis Villegas, “Den e Sombra di Hotel” [publica den Bon Dia Aruba] a expone e mito cu Aruba a stop cu e tradicion aki.)

E cultura Boricua, su canticanan, su poesia, su intelectualidad, semper tabata mara na e soño patriotico, un vision cu cierto melancolia heroico. Pero awendia, e sombra di crisis economico ta scurece horizonte, matando tur speranza historico, y ta comberti e melancolia di e soñadonan den depresion.

Awendia, PR ta den man di e “Financial Oversight and Management Board for Puerto Rico” of FOMB (ta



rima cu “Bomb”), un hunta directiva, loke tin paralelo cu varios construccion na Aruba manera CAft, RAft y COHO, cual tur ta implica un disminucion di autonomia isleño, mientras ta introduci mas “austeridad” pa complace creditor internacional.

E miembronan di e comite FOMB oficialmente ta “representa” e isla den un caso di corte na New York dilanti un hues cu ta exige cu e teritorio aki, mas pover di Merca, paga su debe na Gobierno Federal sin riesga ningun gasto adicional, a pesar di e daño di e horcannan feroz. E organismo aki ta negligisha cualkier dolor cu su calendario y programa rigido por impone riba pueblo.

FOMB su plan pa “revitalisa” Puerto Rico cu “shock therapy” ta envolve: elimina mas cu 55 por ciento di financiamiento na e sistema di salubridad; corta mayoria presupuesto di e famoso Universidad di Puerto Rico; baha pensioen di hubilado; hisa costo di awa y coriente; y elimina poder di sindicato. Podise nos por conclui cu e “medicina” ta mucho mas pio cu e “malesa”. Asina mes, e tipo di campaña aki ta loke institucion manera IMF ta

considera “responsabel”.

E consejo fiscal cu a kita poder di e gobierno isleño, ta e consecuencia di un ley di 2016 cu yama PROMESA (Puerto Rico Oversight Management and Economic Stability Act) PROMESA ta un experimento den Caribe. Danki na “PROMESA”, hopi decision importante gubernamental ta cay den man di FOMB, maske nunca a eligi esaki democraticamente, ya cu Corte Supremo di Merca a autorisa FOMB pa traha den secreto. E Gobernador actual di Puerto Rico tin su puesto den e organizacion ey formalmente; sinembargo, voto e no tin. Mayoria di miembro ta di Merca “continental” y ta comparti mesun educacion y vision: nan ta kere cu boramento di un Estado fragil, wabi y anemico por tin resultado ultimamente positivo, en bes di uno sumamente letal.

Nota di redaccion: E articulo aki ta opinion di e autor y no ta representa opinion di Bon Dia Aruba. Por lesa e siguiente parti den nos proximo edicion.

AWE

MINI MEGA

MEGA PLUS

Awo cu 2 florin mas, bo por gana e

*** Afl. 360.000,-**

*** Afl. 260.000,- + Afl. 100.000,- extra**

Benta ta sera 7:30 pm y sorteo ta hunga 7:45 pm

MEGA PLUS



HUNGA AWO

lotto

Oficinista di New York atrobe ta nenga di aplica orden di Texas contra dokter cu a suministra pildo di aborto

(AP)—Un oficinista na New York a nenga dialuna atrobe pa registra un orden civil di Texas cu balor di mas cu 100.000 dollar contra un dokter acusa di prescribi pildo di aborto na un dama di Dallas.

New York ta entre e ocho estadonan cu leynan cu ta protege proveedornan di e alcance di otro estadonan. Oponentenan di aborto ta bisa cu e leynan ta viola un rekisito constitucional cu estadonan ta respeta ley y ordenan legal for di otro estadonan.

Procurador General Republicano di Texas, Ken Paxton, kier pa un corte di New York aplica un decision civil for di Texas contra dr. Margaret Carpenter, ken ta practica den norte di New York City den condado di Ulster, pa supuestamente prescribi medicacion di aborto via telemedicina.



Oficinista di Ulster, Taylor Bruck, a nenga na maart un peticion inicial pa registra e orden, citando cu ley di New York ta protege proveedornan di aborto cu ta sirbi pashentan den estadonan cu prohibicion di aborto. E oficina

di e Procurador General di Texas a lansa un otro demanda siman pasa, cual a bisa cu Bruck tin un “deber statutorio” pa haci e registracion bao ley di practica civil na New York.

Bruck a responde dialuna cu e rechazo ta keda para. “Mientras mi no ta completamente sigur con cos ta traha na Texas, aki na New York, un rechazo ta nifica cu e asunto a cera,” Bruck a skirbi den un carta pa oficialnan di Texas.

Un email buscando comen-

tario a ser manda pa oficina di Paxton.

E caso di Texas ta un di dos cu ta involvi Carpenter y por test leynan di proteccion. Gobernador Democratico di New York Kathy Hochul a invoca e aña aki e ley di proteccion estatal den rechasa un peticion pa extradita Carpenter pa Louisiana, unda e dokter a ser acusa cu prescribi pildo di aborto na un mucha muher menor di edad.

Hocul, respondiendo na e peticion mas recien for di Paxton su oficina, a bisa cu e [Paxton] ta purbando di dicta “e decision personal di hende muher den Merca.”

“Nos respuesta na nan declaracion sin base ta cla: di ningun manera. Bo no por bully New York,” el a bisa den un declaracion. “Y mi nunca lo retira for di e pelea aki.”

Uso di medicina pa ADHD na Hulanda a cuadruplica desde 2006



(NLTimes)—E cantidad di residentenan di Hulanda cu ta haya prescripcion di medicina pa ADHD a casi cuadruplica desde añanan 2000. Na 2023 casi 300.000 hende a ser prescribi medicina manera ritalin of concerta, compara cu 78.000 na 2006, segun Centraal Bureau voor

de Statistiek (CBS) a reporta dialuna.

E cantidad di hende muher adulto usando medicina di ADHD a aumenta, en particular. Entre muchanan, mucha homber ainda tin mas chance di usa medicacion di ADHD compara cu mucha muher, indicando cu mucha

muher ainda mester warda te edad adulto pa haya diagnostico.

ADHD ta nifica Attention-Deficit Hyperactivity Disorder. Pa varios decada, e sintomanan cu dokternan ta busca tabata cosnan manera problema cu enfoka, hiperactividad of presentando comportamiento impulsivo. Pero den e añanan mas recien, a bira aparente cu ADHD ta presenta diferente den mucha y hende muher. Como resultado, mucha muhe sa keda sin ta diagnostica.

Na 2023, 170.000 hende homber adulto y 130.000 hende muher adulto a ser prescribi medicamento di ADHD, contando pa mas di 1,5% di e poblacion Hulandes, cual ta un aumento di 0,5% na 2006. E cantidad di hende muher usando medicina di ADHD a aumento

seis biaha. E cantidad di hende homber a mas cu duplica. “Como resultado, e diferencia entre hende muher y homber a bira mas chikito,” CBS a bisa.

Te cu edad di 20 aña, ainda tin hopi mas mucha homber riba medicina di ADHD compara cu mucha muhe. Na 2023, e diferencia entre mucha homber (7,5%) y mucha muher (0,3%) tabata grandi den grupo di 10 pa 15 aña di edad.

E proporcion di hende usando medicina di ADHD ta mas abao den gruponan cu entrada mas halto. Den e grupo cu entrada mas halto, 1,5% di hende a usa e medicinan aki den 2023, compara cu 1,8% den e grupo di entrada mas abao.

Hende cu a nace na Hulanda pa mayornan cu tambe a nace

ey tabata casi 1,5 biaha mas probable di usa medicamento di ADHD (2,5%) compara cu hende di ken nan mayornan a inmigra pa Hulanda (1,7%) y casi 3,5 biaha mas probable compara cu hende cu a nace afo (0,7%).



Corte Hulandes ta ordena capo di droga fugitivo ‘Bolle Jos’ pa paga 96 miyon euro

(NLTimes) – Corte di Distrito di Rotterdam dialuna a ordena e traficante di droga condena Jos Leijdekkers, ampliamente conoci como “Bolle Jos”, pa paga mas di 96 miyon euro na Estado Hulandes. E sentencia ta sigui un procedura di expropiacion inicia pa Ministerio Publico (OM), cu na prome instante a exige un cantidad record di 221 miyon euro den expropiacion. Leijdekkers, di 34 aña, ta keda un fugitivo y fiscalnan ta kere cu e ta biba na Sierra Leone.

Di acuerdo cu corte, e suma significativamente mas abao compara cu e exigencia di OM ta resultado di aplicacion di un base legal diferente y un evaluacion revisa di e ganashi di Leijdekkers for di trafico di droga.

E exigencia original di OM tabata centra riba supuesto inversionnan di Leijdekkers den diescuater envio di cocaína cu ta suma aproximadamente 14.000 kilogram den transcurso di un solo aña. Fiscal a calcula e gastonan operacional di e importacionnan aki na mas di 114 miyon euro. Nan a cita tambe



su gastonan riba oro, vehiculo luhoso y regalo caro.

Ta considera Leijdekkers como un figura grandi den contrabando internacional di cocaína. Na 2024, corte a conden’e na 24 aña di prison. Cortenan Belga tambe a impone castigonan largo di prison contra dje den casonan separa relaciona cu droga.

Evidencia presenta pa fiscalnan Hulandes a inclui co-

municacion di combersacion codifica, cu a detaya ofertanan na gran escala y compras luhoso. Investigadornan a informa cu den menos di seis luna, Leijdekkers a gasta 47 miyon euro na 975 kilo di oro, ademas di adkiri propiedadnan na Dubai y Turkia. Supuestamente el a cumpra varios auto di luho, incluyendo dos Bentley, y holoshinan di calidad halto, joyas y tasnan di diseño, hopi di cual el a bisa cu el a regala na famia.

OM a describi e caso di beslag como e prome paso pa descubri e alcance completo di e rikesa di Leijdekkers.

Na cuminsamento di e aña aki, imagennan a surgi cu ta muestra Leijdekkers ta bay un sirbishi di misa na Sierra Leone. Den e imagennan, el a aparece banda di presidente di Sierra Leone, Julius Maada Bio. E material a ser obteni pa corant Hulandes AD y e noticiero investigativo Follow

the Money, cu tambe a informa cu Leijdekkers por tin lasonan estrecho cu e mandatario.

OM y polis Hulandes a bisa cu nan ta “completamente sigur” cu Leijdekkers ta bibando na Sierra Leone for di por lo menos seis luna prome cu e video a ser graba. Fuentenan cita pa Follow the Money a declara cu el a move libremente den e pais y por a obtene ciudadanía di Sierra Leone.

Hulanda no tin embahada ni representacion diplomatico formal na Sierra Leone, y e dos paisnan no tin un tratado di extradicion. Sinembargo, autoridadnan Hulandes a pidi su extradicion formalmente na februari.

Minister di Husticia y Seguridad David van Weel e tempo ey a expresa speranza pa “accion rapido di parti di autoridad na Sierra Leone.”

Polis di Sierra Leone a anuncia un buskeda di hende. Segun Inspector General William Fayia Sellu, ta kere cu Leijdekkers ta usando e alias Omar Sheriff mientras e ta evita captura.

Cuatro fayecido den accidente di avion Hulandes banda di aeropuerto di London Southend

(NLTimes) – Cuater persona a fayece diadomingo ora cu un avion Hulandes chikito a cay cerca di e aeropuerto di London Southend, polis Britanico a confirma. Autoridadnan ta kere cu tur cuater ocupante tabata stranhero, aunke nan identidad no a ser publica ainda.

E avion, opera pa compania Hulandes Zeus Aviation, tabata na caminda pa Aeropuerto Lelystad na Hulanda ora cu el a baha y explota poco despues di 4 p.m. E avion tabata un Beechcraft B200 Super King Air.

E Branch di Investigacion di Accidentenan Aereo Britanico ta encabesa e investigacion, cu asistencia di Hunta di Seguridad Hulandes (OVV). Vocero di OVV a bisa agencia di noticia Hulandes ANP cu maske no lo manda ningun investigador Hulandes na e sitio di accidente, nan lo sos-



tene autoridad Britanico cu cualkier pregunta.

Testigonan a describi e momentonan prome cu e accidente como surreal. E spotter

di avion Johnson, kende tabata wak cu su yiu homber di 8 aña y su yiu muher di 5 aña, a bisa RTL cu e pilotonan a zwaai cu e spectadornan ora e avion tabata pasa e cura di

aeropuerto. “Tur dos piloto a zwaai cortosamente na e famianan cu tabata wak for di pafor. Pa nos cu ta wak avion, y specialmente pa e muchanan, esey ta hopi leuk. Boso ta co-

necta cu otro pa e momento ey.”

Algun minuut despues, e avion a haci un birada robes inusual djis despues di lantamento, segun Johnson. “Esey ta hopi mas liher cu normal. Normalmente, nan ta gana altura prome cu nan bira, pero awor e tabata solamente mas o menos 100 meter. E banda robes a sigui, y e avion a perde mas y mas altura te ora el a bula den tera y a explota. E mester tabata 600 meter leu for di nos, ainda paden di e cura di aeropuerto.”

E accidente a causa un bola di candela enorme, lagando testigonan den shock. “Mi yiu ta un fanatico di avion; esaki ta hasta su avion favorito. Despues diripiente bo ta mira con e ta bay robes... e candela enorme ey... tur hende tabata den shock. Bo por a tende tur hende ta hala rosea. Hende tabata grita.”

Inspeccion di Salubridad Publico na Corsou ta nenga di evalua ambulance nobo pa motibo di lasonan familiar

(Curacao.nu) – Inspeccion di Salubridad Publico Corsou ta hala atras for di nan investigacion riba e ambulance cumpra recientemente di fundacion di gobierno, Fundacion Cuido Ambulance na Comunidad (FcaK). Esaki ta debi na un relacion familiar entre Inspector General y director general interino di FcaK.

Minister di Salubridad, Medio Ambiente y Naturalesa (GMN) a confirma esaki den un carta na Hunta di Supervision di FcaK.

Inspeccion ta indica cu e tin e experticio pa evalua e vehiculonan contra di ley y regulacionnan local, pero cu debi na e intranquilidad social actual rond di e ambulance, e kier evita cualkier apariencia di un conflicto di interes.

“Un posibel resultado positivo di e investigacion por ser atribui erroneamente na relacionnan di sanger,” e Inspector General a declara den su carta acompañaante di 7 di juli.

E Inspeccion ta declara cu e evaluacion tecnico di e vehiculonan ta cay pafo di su

encargo di tur manera, y mirando e conflicto di interes, ta conseha FcaK enfaticamente pa contrata un instancia externo independiente y specialisa. E Inspeccion ta, sinembargo, dispuesto pa duna conseho riba peticion basa riba e resultadonan di un tercer partido asina.

Minister Javier Silvania di GMN ta sostene e posicion aki. Den su carta na FcaK, e ta skirbi cu seguridad, calidad, y confiansa den cuido di ambulance mester ta primordial y cu un evaluacion independiente ta necesario. E ta spera cu FcaK ta involvi “un par-



tido apropiada y experto” den e evaluacion.

E asunto di ambulance anteriormente a conduci na

critica publico, incluso pa loke ta trata e escogencia di vehiculonan y supuesto conflictonan di interes dentro di e organisacion.

Schiphol ta pusha 10 biyon euro pa acomoda e aumento di biaheronan di 25%

(NLTimes) – Aeropuerto Schiphol ta anticipa cu e cantidad di pasahero cu ta biaha door di e aeropuerto lo aumenta cu 25 porciento den e proximo decada. Schiphol ta inverti un impresionante 10 biyon euro den adapta e aeropuerto pa acomoda e aumento, Sybren Hahn, director di infraestructura na Schiphol, a bisa Telegraaf.

“Ta anticipa cu e cantidad di pasahero na Schiphol lo crece cu 25 porciento den e proximo dies aña, a pesar di restriccionnan riba movecion di avion. Aerolineanan manera

KLM pues lo yega Schiphol cu avionnan mas grandi. Esaki ta nifica cu nos mester di mas espacio,” Hahn a bisa.

Recientemente, e area pa tras di e puesto di seguridad den e “area di Schengen” a ser renoba pa aumenta e espacio cu un cuarta parti, cu ta suma 5.000 meter cuadra. Pronto lo kibra tereno pa un kelder nobo di ekipahe, Pier C y D lo ser renoba, y Pier A ta programa pa habri na 2027 despues di añanan di retraso pa motibo di erornan di construccion.

Tin hopi trabao pa haci. “Nos



tin un reto grandi nos dilanti, y nos lo ta luchando cu e espacio pa dies aña,” Hahn a bisa. “Biaheronan kier bañonan limpi y bon koffie. Esaki, hunto cu luz y espacio,

lo trece e experiencia di pasahero na altura, hunto cu un transferencia rapido na nos hub.”

Schiphol tin intencion di

pega na e concepto di “un terminal”. Esey lo nifica un caminata largo pa biaheronan cu ta bay na e Pier A nobo, pero Hahn ta kere cu e aeropuerto por hacie funciona. “E concepto di tur cos bao di un solo dak ta unico y ta nos forsa. Nos ta den nos nucleo un aeropuerto di transferencia, un hub. Pa sigura cu e ta draai optimalmente, tambe den futuro, nos ta mirando con nos por organisa e piernan y e fluho di maleta mas eficientemente.

Avionnan cu hopi transferencia ta ser agrupa hunto,” Hahn a bisa.

Welga ta cerca: dos sindicato grandi di ferry ta rechasa acuerdo laboral di NS

(NLTimes) – Federacion di Sindicato Hulandes (FNV) ta menasa cu welga nobo na Nederlandse Spoorwegen (NS) si e compania no entrega un contrato colectivo laboral mehora pa su mas cu 17.000 empleado. Un mayoria di e miembronan di e sindicato a rechasa e oferta final di NS pa e contrato nobo. Mas trempan den dia, miembronan di e Sindicato pa chauffeur y conductor di Trein (VVMC) tambe a rechasa e proposicion, mientras cu e sindicato mas chikito CNV a aproba esaki.

“Nos miembronan a papia, y

nan simplemente no ta considera e oferta final di NS suficiente bon,” e negociador di FNV Henri Janssen a bisa. Segun e, empleadonan ta exige compensacion di prijs automatico y miho areglonan pa trabao cu ta exige fisicamente.

“Si NS no bin na mesa, lo tin welga nobo,” el a adverti. “Pero nos ta spera cu NS awor lo tuma responsabilidad pa cu pasaheronan y nan propio personal y yega na un acuerdo colectivo cu tin sosten di miembronan di FNV. E bala ta un biaha mas den cancha di NS.”

Desde cu e negociacionnan

a cay, trahadornan di NS a pone trabao plat cuater biaha caba. Pa dos dia, ningun trein di NS a opera ningun caminda den e pais, mientras cu e otro welgan tabatin impacto regional.

Despues di welgan anterior, NS a presenta un oferta mehora. E compania a propone un aumento di salario di 4 porciento entrante 1 di maart di e aña aki, sigui pa un otro aumento di 2.75 porciento dia 1 di maart otro aña. Si inflacion otro aña surpasa e expectativanan, empleadonan di NS tambe lo ricibi un pago di un solo biaha.

E acuerdo laboral anterior



di NS, cu a caduca dia 1 di maart, a zorg pa un aumento di salario promedio di 6.6 porciento. Aunke e negociacionnan ey tambe tabata dificil, nan no a conduci na welgan generalisa. Na 2022, sinembargo, personal di NS a organisa walkout grandi pa exige un salario mas halto, sigurando finalmente aumentonan di mas cu 9 por-

ciento.

Un vocero di NS a yam’e “decepcionante” cu miembronan di FNV y VVMC a rechasa e oferta final. “Awor nos kier scucha prome pa compronde kico a motiva e miembronan pa rechasa e proposicion,” e vocero a bisa.

Keda alerta pa estafa riba rednan social!

No click riba aviso paga (sponsored ad) cu ta usando imagen di Aruba Today.
Bishita solamente e pagina oficial di Facebook, Aruba Today News, of e website
www.arubatoday.com.


Si bo haya algun problema, nos t'ey pa yuda: bondia.aruba@gmail.com



Señora di 83 aña cu tabata trafica droga deteni na Chile

(Infobae) – Un señora di 83 aña a ser deteni e fin di siman aki den e ciudad di Lota (540 km sur di Santiago) acusa di traficaion di micro-droga. E dama a keda identifica como Inés Valencia Salas, y door cu e ta un delincuente ripiti y tin un caso andando pa e mesun crimen, e ta enfrenta te cu tres aña di prison, ademas di un multa pisa.

E investigacion a ser realisa door di Brigada di Investigacion Criminal (Bicrim) di Polis di Investigacion (PDI), despues di un keho entrega pa bisiñanan di e señora di edad conoci pa usarionan local como “Tia Inés.”



Na su cas, situa den e bario di San Martín di e ciudad, 68.82 gram di cocaina, mata di marihuana cla pa procesa, y cash di su actividadnan ilicito a ser confisca.

Durante e razzia, e agentenan a detene tambe un otro muhe

di 37 aña, kende tambe tin un antecedente penal pa violacion di ley di alcohol y la-dronicia.

Ambos ta nacionalidad Chileno y a ser hiba mesora dilanti corte correspondiente, segun a ser informa pa e hefe

di PDI na Lota, e subprefecto Yuri Méndez.

“Oficialnan policial di e Lota Bicrim (Unidad Nacional di Investigacion Criminal), den cumplimento cu un orden di buskeda pa micro-trafico na un propiedad cu ta ser usa como un punto di benta di droga, a aresta dos muher, di edad 83 y 37, y a confisca substancianan ilicito manera base di cocaina y matanan di cannabis den e proceso di crecimiento,” e detective a splica.

Cercania di Scol

Ta bon pa menciona cu e cas cu ta ser usa como un punto di benta ta situa djis algun meter for di dos scol densa-

mente pobla y e Hospital Regional di e ciudad. Hopi di e clientenan di “Tia Inés” ta studiantenan di scol secundario.

E dos dama a ser acusa durante fin di siman, y mientras cu e señora di edad a ser poni bou di aresto domiciliario, check-in dos siman na e warda di polis local, y lasonan nacional, e di dos acusado mes-ter cumpli cu check-in cada dos siman y lasonan nacional.

Sinembargo Corte di Garantia di Lota ta preparando pa husga e señora di edad pa su ofensanan anterior, cual, combina cu e infraccion nobo aki, por resulta den te cu tres aña y un dia di prison.

Venezuela: Mama di periodista Víctor Ugas, prisionero di e regimen, a pidi asistencia medico urgente

(Infobae) – Yris Azócar, mama di periodista deteni Víctor Ugas, a pidi Oficina di Procurador General di Venezuela, Oficina di Ombudsman y Ministerio Penitenciario diadomingo pa haya sa urgentemente tocante e salud di su yiu homber.

“Mi mester sa urgentemente con mi yiu homber, Víctor Andrés Ugas ta, si el a ricibi atencion medico, si e mester di remedi, si e mester di cualkier tipo di examinacion special, kico ta su diagnosis,” Azócar a bisa den un video publica pa Colegio Nacional di Periodista (CNP) riba su cuenta X.

Agencia di noticia EFE a bisa cu e muher tambe a pidi “oracion y suplica” pa su forsa y esun di e periodista, cu a keda aresta na augustus 2024, den cuadro di e crisis despues di eleccion, despues cu e coalicion di oposicion mas grandi a denuncia fraude den e resultado di e eleccion presidencial na juli di e aña ey, mientras cu Consejo Electoral a duna victoria na Nicolás Maduro.



Diabierna ultimo, e partido di oposicion Voluntad Popular (VP) a adverti cu Ugas ta rekeri “atencion medico urgente” pasobra, el a declara, “e tin keintura pa casi un luna,” e “banda drechi di su cara ta hincha y doloroso, y tin episodionan depresivo, y e ta disocia for di realidad.”

“Bida di Ugas, mescos cu

esun di tur preso politico, ta den man di Maduro. Preveni morto di un otro Venezolano inocente den custodia estatal!” VP a skirbi riba su cuenta di X, mientras cu tin 940 hende deteni pa motibonan politico den e pais, segun e NGO Foro Penal.

Di su banda, CNP ta conta 20 periodista aresta na Ven-

ezuela, cu Iglesia Venezolano recientemente a expresa su solidaridad cune y ta considera “persigui.” “Ora periodistanan y otro comunicadornan social ta ser persigui, tin un violacion real di e libertad di expresion aki. Nos ta expresa nos solidaridad cu e hendenan aki cu ta ser priva di nan libertad,” Manuel Díaz, arzobispo di e ciudad di Calabozo, a bisa den un conferencia di prensa.

Dia 10 di juni ultimo, Asociacion Interamericano di Prensa (IAPA) a exige pa Venezuela libera inmediatamente tres periodista di e pais Sur Americano “deteni pa reportahe” durante e ultimo dos lunanan den medio di “un contexto di represion creciente contra prensa independiente.”

Den e Indice di Chapultepec di 2024, IAPA a pone Venezuela na di 21 lugar for di 22 pais analisa pa libertad di expresion y prensa.

Keho di Foro Penal

E organisacion no gubernamental Foro Penal a eleva e cantidad di personanan deteni pa motibonan politico na

Venezuela na 940, despues di a registra seis detencion nobo den su informe mas recien, publica diabierna a traves di e red social X.

Segun e informe, te cu 30 di juni, 844 homber y 96 muher a keda deteni riba acusacionnan cu e NGO ta considera politicamente motiva. Entre nan tin 936 adulto y cuater adolescente entre edad di 14 y 17 aña.

E informe tambe ta señala cu por lo menos 85 di esnan aresta ta stranhero, sin specifica nan nacionalidad of e acusacionnan contra nan. E organisacion ta sostene cu mayoria di e detencionnan aki a tuma lugar despues di e eleccionnan presidencial di 2024, un proceso den cua e consejo Nacional Electoral (CNE) —controla pa e regimen Chavista— a proclama e dictador Nicolás Maduro e ganador, a pesar di acusacionnan di fraude haci pa e Plataforma Unitario Democrático (PUD), un cooperacion cu ta trece hunto e partidonan principal di oposicion.

Ecuador: Daniel Noboa a manda proposicion pa castracion kimico pa violadornan pa Corte Constitucional

(Infobae) – E proposicion di reforma constitucional di presidente Daniel Noboa pa aplica castracion kimico na violadornan, a ser manda pa Corte Constitucional como parti di e procedura obligatorio estableci pa ley prome cu su posibel debate den Asamblea Nacional. Esaki a keda confirma dialuna 14 di juli pa vocero di gobierno, Carolina Jaramillo durante un conferencia di prensa na e Palacio Carondelet, caminda el a defende e medida como un contesta necesario y proporcional na e tasa halto di delincuencia ripiti den crimen sexual.

“Presidente Daniel Noboa tabata cla y fuerte: violadornan merece castracion kimico y prison,” Jaramillo a declara. El a agrega cu e reforma ta propone un cambio di articulo 393 di Constitucion pa permiti e Asamblea, pa medio di legislacion, implementa e mecanismo aki den casonan di individuonan cu un condena final pa e delito sexual di violacion. E proposicion ta inclui tambe e creacion di un registro confidencial di delin-



cuentenan sexual, cu e meta pa preveni nan participacion den actividadnan liga na mucha y adolescentenan.

E documento, entrega na corte, ta pidi pa e organo constitucional emiti e opinion previo obligatorio riba e procedura di procesamiento. Si e ser aproba, e reforma lo sigui e procedura di reforma parcial premira den articulo 442 di e Constitucion: aprobacion den dos debate legislativo y un referendum di ciudadano siguiente. Segun e vocero, gobierno ta wardando e prome pronunciacion aki prome cu considera otro

scenarionan.

E proposicion ta compaña pa datonan cu e Ehecutivo ta considera alarmante. Entre augustus 2014 y mei 2025, mas cu 71.000 procedimiento hudicial pa crimennan sexual a keda registra, di cual 22% a ser cometi contra menor nan di edad, segun e sistema SATJE di e conseho Hudicial. Ademas, di cada dies victima di violacion, seis ta mucha of adolescente, segun cifranan di Ministerio Publico.

“E reforma no ta haci distincion entre sacerdote, politico, of empresario. E lo aplica na

cualquier hende cu un sentencia final pa violacion,” Jaramillo a contesta na un pregunta di prensa. El a agrega cu e registro lo ta confidencial y lo no tin efectonan punitivo adicional: solamente pa su hefe den actividadnan economico cu ta encera contacto directo cu menornan di edad por haya acceso na dje.

Gobierno Ecuatoriano ta cita como precedente paisnan manera Chile y Colombia, cu tin registro di descualificacion pa esnan condena pa ofensanan sexual, y otronan manera Merca, Polonia, Rusia, Corea di Sur y Indonesia, cu a implementa castracion kimico como un medida preventivo pa delincuentenan ripiti. E vocero a enfatisa cu e medida aki, mescos cu den e paisnan ey, lo ser regula pa e principionan di proporcionalidad, legalidad, confidencialidad y rehabilitacion.

Jaramillo tambe a aclara cu e reforma lo no ta retroactivo ni viola derecho fundamental, ya cu e lo ta conta solamente pa individuonan cu un sentencia final. Segun Poder Ehecutivo, e medida ta reenforza e obligacion di estado

pa garantisa e proteccion integral di muchanan, sin altera e sistema actual di derecho y garantia.

Puntrando tocante e posibilidad cu e iniciativa aki ta ser inclui den un paquete di reforma potencial pa ser poni na un referendum, e vocero a indica cu e reforma di castracion kimico ta ser procesa actualmente a traves di e proceso legislativo, pero a reconoce cu e gobierno ta evaluando entre seis y ocho pregunta pa un referendum nobo, incluyendo asuntunan di seguridad y productividad.

E proposicion di Noboa ta parti di un discurso mas amplio di “medidanano duro” contra crimennan di impacto halto, como parti di su agenda di seguridad. E Ehecutivo ta sostene cu esaki ta un contesta tecnico na cifranan cu ta demostra impunidad y e revictimizacion constante di menornan di edad na Ecuador. Pa e iniciativa aki por bay dilanti, e mester pasa filtro constitucional prome. E ora ey lo enfrente e reto politico y etico di debate parlamentario y ciudadano.

Mexico: Sheinbaum lo demanda abogado di Ovidio Guzman pa difamacion

(Infobae) – E huicio recien di Ovidio Guzmán ta keda un topico di combersacion den conferencia di prensa di mainta di e ciudad, despues cu e abogado di e traficante di droga a declara cu “e presidente ta actua mas manera un brasa di relacion publico di un organizacion di traficacion di droga en bes di actua como e lider cu pueblo Mexicano merece.”

Como contesta riba e comentarionan aki y otronan, Claudia Sheinbaum anteriormente a trece dilanti cu esaki tabata declaracionnan falta di respet, y awe durante su conferencia di prensa mainta, el a menciona tres punto specifico.

E prome di esakinan tabata cu e “lo no bay den dialogo cu un abogado di un traficante di droga,” y despues a comenta cu e declaracionnan di Jeffrey Lichtman no por a ser ignora, y cu e lo sigui pa presenta un “demanda di di-



famacion a traves di e Departamento Huridico.”

Lichtman lo enfrente un demanda di difamacion

Despues di a menciona cu un demanda di difamacion lo ser presenta na Mexico, el a comparti cu no ta vale la pena bay den e cosnan cu el a bisa

tocante di dje, pero mas bien e ta tocante otro topiconan cu el a toca, manera e caso Cienfuegos.

El a declara cu “ta importante pa describi henter e caso for di momento di su detencion te cu su libertad, y con Oficina di Procurador General a

participa den e asunto aki.”

Tambe el a señala cu e trabounan necesario ta ser haci y cu no ta trata solamente di loke ta ser bisa, pero di e accionnan, declarando cu no tin colusion cu niun hende den gobierno.

Cu esaki, el a recorda cu e resultadonan anual di e reduccion di homicidio durante e diferente periodonan di seis aña a ser comparti anteriormente y a pidi pa nan ser muestra atrobe “pa ta cla cu no ta djis un asunto di bisa cu nos no ta participa den colusion of cu nos ta trahando pa pacifica e pais, pa no tin violencia y tin tranquilidad.”

Mustrando e grafico, e mandatario a specifica cu e prome lunanan tabata mas dificil, pero “awor tin un reduccion. Nos ta na un promedio anual di 70.5 homicidio, y e lo sigui baha pasobra nos tin un strategia di seguridad basa riba cuater pilar: atende e causa, coordinacion entre instancianan, fortalece y mehora investigacionnan.”

Tambe el a reconoce e trabou di e secretarianan cu ta forma e gabinete di seguridad, enfatisando cu e trabou cu cada un ta haci ta di e calidad di mas halto.

A gradua di Universidad di Aruba, Indra Indira Zaandam

Dia 9 di juli, 2025 a gradua na e Facultad di Ley na Universidad di Aruba, Indra Indira Zaandam.

El a gradua defendiendo su tesis titula: "Tussen macht en invloed: Hoe het aanpassen van het Reglement van orde van de rijksministerraad tot een gelijkwaardigere positie van de Caribische landen binen het Koninkrijk kan

leiden."

Miembronan di e comision di examen taBata: mr. H. Meijer; mr. B. Huisjes; mr. R. Santos do Nascimento.

Universidad di Aruba ta felicita Indra Indira Zaandam cu su logro.



Gillmar Werleman a gradua como Bachelor den Organization, Governance and Management (OGM)

Dia 7 di juli 2025, Gillmar a defende su tesis exitosamente y a obtene e titulo di 'Bachelor of Arts' for di e programa Organization, Governance and Management, Facultad di Arte y Ciencia. Gillmar a defende su tesis "Understanding the Barriers and Stimulators for Youth Participation: A Qualitative Case Study in the Parlamento Hubenil Aruba" dilanti di e comision di graduacion cu tabata consisti di Thais Franken MSc, Luciano Miljrad L.L.M y Sacha Geerman, Directora di Sociale Zaken.

Ademas tabata presente manager di e programa OGM, Ahmet Talan, MSc, famia, amistad di Gillmar Werleman, docente di Universidad di Aruba y colega di estudio tambe tabata presente.



Gillmar Werleman a investiga kico ta e factornan cu ta limita y stimula nos hobennan pa participa den Parlamento Hubenil y pa asina duna recomendacion pa aumenta e cantidad di miembro entre e edad di 18 te cu 24 aña.

E participantenan di e investigacion ta miembronan actual, miembronan di pasado, trahado y coordinadornan di

añanan anterior y actual di Parlamento Hubenil y e ultimo grupo ta hoben entre 18 pa 24 aña den comunidad cu no tin niun afiliacion cu Parlamento Hubenil.

Un di e recomendacionnan ta cu Parlamento Hubenil por bin cu mas oportunidad pa hobennan representa Aruba mas frecuentemente den exterior y asina experiencia otro cultura.



Otro recomendacion ta pa Parlamento Hubenil haci mas uzo di social media pa asina educa e pueblo riba e mision di Parlamento Hubenil y alabes educa tambe kico tur Derecho di Mucha ta encera, mirando cu tin hopi confusion riba esaki.

Ta gradici e docentenan di e departamento di OGM y profesional cu a yuda of guia Gillmar Werleman como stu-



diente. Tambe ta gradici tur esnan na y pafo di Universidad di Aruba cu a contribui na un manera of otro na e acontecimiento aki.

Pa mas informacion tocante e estudio OGM, bishita e website di Universidad di Aruba na <http://www.ua.aw/ogm>, e pagina di Facebook @UniversityofArubaOGM y e pagina di Instagram @ogm_ua.

Trump ta considerando 'kita' ciudadanía Mericano di Rosie O'Donnell

(AP) – Presidente Mericano, Donald Trump a bisa cu e ta considerando "kita" e ciudadanía Mericano di un rival di hopi tempo, actriz y comediente Rosie O'Donnell, a pesar di un veredicto di Corte Supremo di decadas atras, cu ta prohibi explicitamente un acto asina di gobierno.

"Pa motibo di e hecho cu Rosie O'Donnell no ta den e miho interes di nos Gran Pais, mi ta dunando consideracion serio na kita su ciudadanía," Trump a skirbi riba rednan social diasabra. El a agrega cu O'Donnell, kende a muda na Irlanda na januari, mester keda na Irlanda "si



nan kier e."

Trump y O'Donnell a critica otro publicamente pa años, hopi biaha enfrentamentonan fuerte cu ta bay back prome cu Trump a drenta politica. Den dianan recien, riba rednan social O'Donnell a critica Trump y e movidanan recien di su administracion, incluyendo e firma di tax break ma-

sivo cu sosten Republicano y un plan pa baha gasto.

Esaki ta e menasa mas recien di Trump di revoca e ciudadanía di hende cu ken e tabatin desacuerdo publico, mas recientemente su ex-consehero y ex-aliado, Elon Musk. Pero e situacion di O'Donnell ta notablemente diferente na

esun di Musk, cu a nace na Sur Africa. O'Donnell a nace na Merca y tin un derecho Constitucional di ciudadanía Mericano. Departamento di Estado Mericano ta nota riba su website cu ciudadano Mericano pa nacemento of naturalisacion por entrega su nacionalidad Mericano door di tuma cierto stap – pero solamente si e acto ta boluntario y cu intencion di entrega su ciudadanía.

Amanda Frost, profesor di ley na Universidad di Virginia School of Law, a nota cu Corte Supremo a duna veredicto den un caso di 1967 cu e di 14 Amienda na e Constitucion ta preveni gobierno di kita ciudadanía.

"E presidente no tin autoridad pa kita ciudadanía di un ciudadano Mericano naci," Frost a bisa den un e-mail diasabra. "En corto, nos ta un nacion funda riba e principio cu hende ta scoge gobierno; gobierno no por scoge e hende."

O'Donnell a muda pa Irlanda despues cu Trump a derota vice-presidente Kamala Harris pa gana su di dos termino. El a bisa cu e ta den proceso di obtene ciudadanía Irlandes basa riba lineahe familiar. Respondiendo na Trump diasabra, O'Donnell a skirbi riba rednan social cu el a pone e presidente rabia y "aña di mi na e lista di hende cu ta opon'e cada stap."

BBC lo no traha cu Gregg Wallace mas despues di un rapport di mal conducta sexual

(AP) — BBC a bisa dialuna cu e lo no traha mas cu e ex presentador di “MasterChef” Gregg Wallace despues cu un rapport a haya cu decenas di acusacionnan di mal conducta haci contra e presentador di e programa di cushinamento exitoso a keda confirma.



E rapport, dirigi pa un bufete di abogado, a bisa cu 45 di e 83 acusacionnan haci contra Wallace durante su tempo den e programa entre 2005 y 2018 tabata substancia. E la bisa cu mayoria di e acusacionnan tabata relaciona cu “idioma y humor sexual inapropia,” cu un cantidad mas chikito di acusacionnan tocante Wallace “den un estado sunu” y un incidente di contacto fisico indesea.

Wallace, di 60 aña, a stop di presenta e programa di realidad exitoso di BBC, cu ta

ser traha pa un compania di produccion independiente, aña pasa mientras cu un investigacion a ser lansa riba acusacionnan di varios hende muher cu el a haci comentarionan sexual inapropia y a comporta su mes inapropia durante casi dos decada.

BBC a bin bou di presion riba con e ta maneha acusacionnan di mal conducta sexual y con Wallace a sigui dirigi algun di su programanan mas popular pa asina tanto tempo a pesar di e kehonan.

E emisora a emiti un declaracion di disculpa, agregando cu Wallace su “regreso na MasterChef ta insostenibel.”

“BBC a informa Sr. Wallace cu nos no tin plan pa traha cune den futuro,” el a bisa. “Aunke e scala completo di e asuntonan aki no tabata conoci na e momento relevante, oportunidadnan a ser perdi pa atende e comportamiento aki, tanto pa e companianan di produccion cu ta maneha MasterChef como pa BBC.”

E emisora a bisa anteriormente cu Wallace a ser adverti pa su hefenan di trabou despues di un keho na 2018, y un investigacion interno e tempo ey a haya cu su comportamiento tabata “inaceptabel y no profesional.”

E ultimo investigacion a haya cu tabatin tiki of ningun entrenamiento formal of proceduranan cla di escalacion

na vigor pa personal — hopi di esnan cu tabata traha riba e programa tabata freelancer — loke a conduci na subreportahe y normalisacion di comportacion inapropia.

Wallace a nenga e declaracionnan fuertemente, y anteriormente a declara cu e lo no ser “cancela pa comodidad.”

El a bisa den un declaracion dialuna cu e ta “profundamente lamenta pa cualkier angustia” cu su comportamiento a causa, aunke el a sostene cu ningun di e acusacionnan mas serio contra dje a ser sosteni.

Na december, el a haya un reaccion rabia di publico despues cu el a alega cu kehonan tocante su comportamiento a bin di “un man yen di hende muher di clase media di cierto edad.”

“MasterChef” ta un di e programanan di competencia

mas popular y di hopi tempo di BBC, cu a produci numeroso ‘spinoff’ y adaptacion den otro paisnan, incluyendo “MasterChef Australia.”

Caroline Dinenage, kende ta presidi e comision di cultura, medionan di comunicacion y deporte di Parlamento, a bisa cu ainda tin un caminda largo pa cana pa atende cu comportamiento inapropia den e industria creativo ora cu e denunciante ta haya cu ta mas facil pa hiba nan acusacionnan na prensa en bes di usa procesonan interno.

Downing Street a bisa cu e ta yama bon bini cu BBC a corta su lasonan cu Wallace.

“Nos ta cla cu mester tuma pasonan apropiada pa garantisar cu abusanan di poder ser preveni di sosode den futuro,” un vocero a bisa.

Hacker di cuenta di X di Elmo ta post mensahenan racista. Sesame Workshop ta purbando di recupera control



(AP) – Sesame Workshop ta purbando di recupera control completo riba nan cuenta di Elmo riba e plataforma X dialuna despues cu un hacker a haya acceso y a publica un serie di mensahenan racista y antisemita.

“Elmo su cuenta X a ser comprometi pa un hacker desconoci cu a publica mensahenan repugnante, incluyendo postnan antisemita y racista. Nos ta trahando pa

restaura control completo di e cuenta,” un vocero di Sesame Workshop a bisa dialuna. Sesame Workshop ta e organizacion sin fin di lucro tras di “Sesame Street” y Elmo.

E cuenta a ser comprometi durante weekend y en bes di e postnan usual di encurashamento y bondad, e 650.000 seguidornan di Elmo a haya menasanan antisemita y un referencia explicito na e investigacion di trafico sexual di Jeffrey Epstein. E tweetnan ey a ser elimina inmediatamente, aunke e cuenta di Elmo ta deteni un link pa un canal di Telegram di un usuario cu ta tumando responsabilidad pa e hack.

Elmo su cuenta di red social ultimamente a bira un lugar pa conscientisacion di salud mental. Aña pasa, e monster cora fuzzy, a causa un sensacion ora el a puntra: “Elmo ta djis check in! con tur hende ta bayendo?” E la provoca contesta di e presidente di e tempo ey Joe Biden y Chance the Rapper.

Myangelica Gustowski ta termina como di cuater finalista na Miss Teen Universal 2025



(Bonaire.nu) – Boneiro a pone su mes riba mapa internacional cu un actuacion remarcabel di Myangelica Gustowski. E hoben Boneriano a cualifica como e di cuater finalista den Miss Teen Universal 2025, un certamen di beyesa internacional cu ta celebra talento, carisma, y dedicacion.

Fundacion Academia Internacional di Arte y Talento Boneiro ta declara cu Myangelica su participacion no

solamente ta representa un logro personal pero tambe un momento di orguyo pa henter Boneiro. Durante henter e proceso, el a ricibi sosten amplio di e comunidad, cu hopi involvi den preparacion pa su participacion internacional.

Ademas di e sosten di amigonan, famia y fanaticonan, tabatin colaboracion intensivo cu varios profesional riba e isla pa prepara Myangelica miho pa e tarima. Nan dedicacion y guia a hunga un rol

significante den su participacion exitoso.

Cu su actuacion, Myangelica no solamente a demostra confiansa pero tambe representacion digno di Boneiro su cultura y forsa. Su regreso na e isla ta programa pa diaranson 16 di juli, pa 7:45 PM.

Pueblo di Boneiro ta keda invita pa dun’e un bon bini festivo na su yegada y pa celebra e fama internacional di e isla hunto.

Kòrsou ta Move ta atrae centenares di participante na Nieuwe Haven

(Curacao.nu) – Centenares di persona na Corsou di tur edad a reuni ayera na Nieuwe Haven pa un edicion nobo di Kòrsou ta Move. E evento a ofrece un atardi yen di canamento, coremento di bicicleta, fitness den grupo, y actividad di salud.

For di coredonan experiencia te na ciclista recreativo, tur hende a move riba e ritmo di un Corsou mas saludabel. Banda di e actividadnan de-



portivo tambe tabata tin bebidanan saludabel.

Accesibel pa tur hende Danki na e asociacion cu Fundacion Alton Paas, personanan den rolstoel tambe por a participa y keda activo. Tabatin un participacion fuerte di famianan y un ambiente positivo cu a dura te na final. E mensahe cu “Un pais cu ta move, ta un pais saludabel” a ser transmiti cu orguyo un biaha mas.

Edicion di Splash Diadomingo, 27 di juli, Kòrsou ta Move ta regresa cu un edicion extra refrescante: e Splash Edition. E evento ta ofrece diberticion den awa cu bouncernan di awa pa mucha, popsicles refrescante, weganan di awa, y zonanan di friamento. Musica en bibo y baile tambe ta programa.

E evento lo tuma lugar na Nieuwe Haven, banda di Centro Economico, cuminsando pa 4:00 PM.

Tame Mondria di Aruba ta termina di ocho den e Campeonato Europeo di Windsurf

(Aruba.nu) – Windsurfista Tame Mondria a tuma di ocho lugar den e Campeonato Europeo di Fin & Foil di IFCA na Viganj, Croacia. E campeonato a tuma lugar siman pasa.

Mondria a biaha prome pa Hulanda y despues a sigui cu bus cu dos amigo pa Croacia pa participa den e prestigioso torneo. E campeonato a atrae participante di mas cu dies diferente pais, loke a resulta den competencia fuerte y heatnan di nivel halto.

Meta alcanza E hoben windsurfista ta contento cu su prestacion. El a logra su meta di termina den e top 10 di e torneo. For di 30 participante den e categoria U21, Mondria a sigura di ocho lugar.

Mondria lo regresa Hulanda e luna aki pa prepara pa su proximo reto. E campeonato



mundial na Turkia ta programa pa augustus, unda e ta spera di por demostra su habilidadnan un biaha mas.

Boneiro tambe ta representa E windsurfista Tycho Smits di dies cinco aña di Boneiro a entrega un prestacion impresionante na e campeonato Europeo di Windsurf di IFCA na Viganj. Representando Boneiro, el a subi podium dos biaha: un medaya di oro den e disciplina di fin y plata den e foil.

Despues di cinco dia di careda intenso contra competencia internacional, Smits a proba su clase den tur dos disciplina. El a domina den e aleta, ganando cuater di e cinco rondnan di eliminacion cu solamente un descualificacion mucho trempan. Esaki a laga diesshete otro competencia di paisnan incluyendo Francia, Italia, Croacia, y Turkia hopi atras, sigurando e titulo Europeo den e disciplina aki.



Smits tambe a cuminsa fuerte den e foil, ganando e prome careda. Sinembargo, den e careda siguiente, e mester a concede derota contra e windsurfista Danes Gustov Permin, kende a derot'e dos biaha. Riba e ultimo dia di competencia, Smits tabatin un chens mas pa kita e Danes for di prome luga. Pero djis

despues di inicio di e buelta di clasificacion, biento a muri completamente, forsando e organisadornan pa termina e evento prematuramente. Smits a caba asina na di dos lugar den un tereno di diesseis mucha homber di cinco diferente pais.

Yates ta gana e prome etapa montañoso di Tour de France y Healy ta tuma e camisa geel di Pogačar

(AP) — E ciclista Britanico Simon Yates a gana e prome etapa montañoso di e Tour de France dialuna mientras cu e ciclista Irlandes Ben Healy a consola su mes tumando e camisa geel pa e lider general dialuna.

Healy a keda nomina como e ciclista mas combativo di dia despues di a forsa e iniciativa riba e di 10 etapa, pero Yates a time su break perfectamente riba e subida final pa gana un etapa pa di tres biaha.

E ciclista Hulandes Thymen

Arensman tabata 9 seconde atras, mientras cu Healy a termina di tres, 31 seconde tras di Yates.

E tres biaha campeon di Tour Tadej Pogačar a caba mas pa tras banda di e rival principal Jonas Vingegaard y e ciclista Frances Lenny Martinez cu un diferencia di 4 minuut y 51 seconde.

E la nifica cu e Healy di 24 aña, kende a reclama su prome victoria den etapa diahuebs, a tuma e bentaha general 29 seconde dilanti di Pogačar.

Etapa 10 a hiba e ciclistanan riba un ruta dificil di 165,3 kilometer den e Massif Central – e region di sero central di Francia – for di Ennezat a traves di shete subida di categoria dos prome cu a conclui riba e subida di Puy de Sancy – e punta mas halto di e region – despues di 3,3 kilometer di un subida di 8% di gradiente.

E ciclistanan por spera nan prome dia di sosiego awe.



Aruba atrobe campeon di Caribbean Little League

(Aruba.nu) – E ekipo di Aruba a gana e Caribbean Little League Series pa di dos aña consecutivo. Den un final emocionante, e ekipo a derota Republica Dominicana 9-7 den turno extra. E victoria aki ta nifica cu Aruba un biaha mas lo representa e region di Caribe na e Campeonato Mundial na Williamsport, Merca.

E wegá di campeonato a tuma

luga na Corsou y tabata emocionante te na final mes. E score a keda empata pa hopi tempo cu (6-6), y e decision a keda tuma den e inning extra. E momento decisivo a bin di parti di Dilano Raven, e cuarto batiado di Aruba di diesdos aña. cu un homber riba base, el a bati un home run cu a gana e wegá. Aruba a tuma un bentaha di 8-6 y finalmente a cera cu un victoria di 9-7.



Cole Palmer di Chelsea a keda sorprendi pa comparti e spotlight di podium di Copa Mundial di Club cu Donald Trump

(AP) — Cole Palmer tabata bula ariba y abou tras di Reece James ora e capitán di Chelsea a ricibi e trofeo pa e Copa Mundial di Club, presidente di Merca Donald Trump na su banda robes, para entre e mediocampista y e portero Robert Sánchez.

“Mi tabata sa cu e lo ta aki, pero mi no tabata sa cu e lo ta riba e tribuna ora nos a hisa e trofeo, pues mi tabata un poco confundi,” Palmer a bisa.

Palmer a ricibi e Bala di Oro como mihor hungador di e torneo despues di a score e prome dos golnan den e derota di Chelsea contra Paris Saint-Germain diadomingo anochi. Trump — bisti cu un dashi cora briyante — a parce di bandona e tribuna di premio cu un medaya di su mes, entrega na dje pa presidente di FIFA Gianni Infantino net despues di e medaya presenta na James.

Cu 23 aña, Palmer a ser selecta como hungador di e partido pa e di dos final consecutivo di Chelsea. Un strea Ingles creciente, el a asisti dos biaha den un victoria di 4-1 riba Real Betis dia 28 di mei cu a gana e Liga di Conferencia di Europa. Tambe el a score e prome gol di e Blues den e victoria di 2-1 di kwart-final di Copa Mundial di Club riba Palmeiras y tabatin e gol di Inglatera den su derota final di Campeonato Europeo 2024 contra Spaña.

E tabatin su number den e luznan briyante e weekend aki. El a pose pa un potret dilanti di un borchí di video grandi di su imagen den un



propaganda di Nike cu e palabranan: “Scary Good.” E tabata parti di un campaña cu tambe ta conta cu Kylian Mbappé, Erling Haaland y Vinícius Júnior.

“Mi a mira e borchinan di propaganda na Times Square y pafor di Madison Square Garden,” Palmer a bisa. “Ta un bon sentimento pa ta obviamente banda di e tipo di hungadornan aki.”

Palmer tabatin golnan casi identico cu pia robes for di net paden di e area di pinalti na di 22 y 30 minuut, despues a manda un paso cu a permiti João Pedro pa chip e portero Gianluigi Donnarumma na di 43 minuut pa su di tres gol den dos salida cu e Blues.

E entrenador di Chelsea, Enzo Maresca, a bisa su hungadornan cu e kier pa nan ataca desde e pit di apertura.

“Mi ta kere cu nos a gana e wegá den e prome 10 minuut y e mensahe prome cu e wegá tabata pa laga nan compronde cu nos ta aki pa gana e wegá”, Maresca a bisa. “Probablemente a pone un tiki tono di e wegá.”

Chelsea a bay dilanti despues cu Sánchez a scop e bala abou y Nuno Mendes a dal un cabezasao na banda robes 15 yarda pa pasa e strepi di mediocampo pa su propio gol. E tiro di Malo Gusto a ser blokea pa Lucas Beraldo y a rebota pa Palmer, kende a termina e racha di 436 minuut di PSG sin perde.

“Esaki ta e weganan caminda nos ta spera cu Cole lo aparece pasobra nan ta weganan grandi, momentonan grandi,” Maresca a bisa.

Palmer a redobla e bentaha den di 30 ora el a core riba un bala largo di Levi Colwill y a corta paden prome cu tira pa su di 18 gol di temporada.

“E ta un sentimento grandi. Mihor ainda pasobra obviamente tur hende a duda den nos prome cu e wegá,” Palmer a bisa. “E gaffer a pone un plan di wegá grandi, y obviamente, e tabata sa unda e espacio tabata bay ta.”

Aniversario di intento di asesinato

Presidente Donald Trump diadomingo a marca e aniversario di un aña di un intento fracasa tuma su bida,

uniendo cu famia, amigonan y conseheronan cercano pa presencia e victoria dominante di Chelsea den Copa Mundial di Club di FIFA riba Paris Saint-Germain.

E mandatario a uni cu e hungadornan riba veld despues di e partido pa felicita e destacadonan di e torneo, presenta e hungadornan di PSG cu nan medaya di subcampeon y entrega Chelsea nan trofeo di campeon.

“Mi ta kere cu tabata un disgusto awe,” Trump a bisa reporteronan despues di a bula back pa Washington despues di e victoria di Chelsea. “Pero e tabata un gran partido.”

Trump y prome dama Melania Trump a ser ricibi cu aplauso ora nan a yega na MetLife Stadium net prome cu e presentacion prome cu e partido di artistanan musical Robbie Williams y Laura Pausini. Y e mandatario a tende hende ta grita “boo” ora el a sali brevemente riba e mega-pantaya di e stadion.

E mandatario a zwaai cu e

multitud y a pomp su puñal ora e y su grupo a yega na e caha di luho di e stadion, caminda nan a mira e partido cu presidente di FIFA Gianni Infantino y su casa, Leena Al Ashqar.

Otro invitadonan cu a ser mira den e suite di e presidente a inclui Fiscal General Pam Bondi, Secretario di Transporte Sean Duffy, Secretario di Seguridad Nacional Kristi Noem, e gran hungador di NFL Tom Brady y e magnate di media Rupert Murdoch.

MetLife den un poco mas cu un aña lo ta anfitrión di e final di Copa Mundial di 2026.

Eventonan deportivo a forma mayoria di e biahenan di Trump na Merca desde cu el a tuma oficina e aña aki. Ademas di su bishita e weekend aki na e torneo di futbol, el a asisti na e Super Bowl na New Orleans, e Daytona 500 na Florida, peleanan di UFC na Miami y Newark, New Jersey, y e campeonatonan di lucha di NCAA na Philadelphia.



Astronautnan di India, Polonia y Hungria rumbo pa Tera despues di mision priva riba stacion espacial

(AP)—E prome bishitantenan di e Stacion Espacial Internacional di India, Polonia y Hungria ta rumbo pa Tera dialuna, clausurando un mision priva y garando lift for di SpaceX.

Nan capsula a kita for di e labotario den orbito y tin intencion pa aterisa pa su manan den e Pacifico cerca di e costa di Southern California.

E mision cortico y privadamente financia a marca e prome biaha den mas cu 40 aña unda India, Polonia y Hungria a mira un di nan mesun raket den orbito. E tres astronaut a ser compaña pa e piloto espacial mas experiencia na Merca, Peggy Whitson, ken ta traha pa Axiom Space, cual a organisa e vuelo aki. Nan a lansa for di e Kennedy Space Center di NASA dia 25 di juni.



Shubhanshu Shukla di India, Slawosz Uznanski-Wisniewski di Polonia and Tibor Kapu di Hungria a conduci decenas experimento durante nan estadia. Tambe nan a haci yamadanan cu e prome ministernan di nan pais y muchanan di scol.

“Nos lo comparti e mensahe den nos paisnan cu e cosnan aki ta den nos alcance. E cosnan aki ta posible hasta pa paisnan mas chikito manera nos,” Kapu a bisa durante e ceremonia di dispidido dia-

domingo, cual a caba den un abraso emocional den grupo.

Shukla a nota cu “e ta di berdad un milagro” ora humanidad bin hunto pa un meta comun. “E shelo no ta e limite mas. Nos por explora espacio,” Uznanski-Wisniewski a agrega.

Uznanski-Wisniewski a tuma orguyo special den e prome pierogies den espacio. El a hiba cune dumplings yena cu kool y mushroom, cual el a ‘freeze-dry’ prome pa cushi-



na esaki mas facil den cero gravedad.

E tres pais a comparti e costo di e mision, pagando mas di 65 milyon dollar cada un. Esaki tabata Axiom su di cuatro biaha pa e stacion desde 2022. E clientenan di e compania basa na Houston, Texas, ta inclui esnan rico como tambe paisnan buscando representacion den espacio. NASA ta encurasha biahe espacial comercial, yudando pa crea e escenario pa stacionnan espacial priva cu actualmente ta

den construccion pa Axiom y otronan, como tambe raketnan pa e luna.

E siete residentenan full-time di e stacion a keda atras den orbito, representando Merca, Rusia y Hapon. Cuatro di nan lo ser reemplasa aki par siman pa un tripulacion nobo lansa pa NASA cu asistencia di SpaceX. “Biahenan sigur pa e miho planeta den nos sistema solar,” Anne McClain a bisa mientras e tripulacion priva a sali.

Rotterdam plaga cu biocombustible falso, menasando agenda di clima Europeo

(NLTimes)—Un surgimento di fraude conecta na combustiblenan basa den materia biologico cu a ser importa via Rotterdam ta mina e metanan climatico di Europa, segun e organisacionnan y expertonan ambiental ken ta bisa cu autoridadnan Hulandes tin tiki comprension di e scala completo di decepcion.

E Nederlandse Emissieautoriteit (NEa), cual ta encarga di e origin y sostenibilidad di combustiblenan biologico na Hulanda, ta admiti cu e no sa con amplio e fraude ta. “Nos no sa kico nos no ta mira,” segun director di NEa Mark Bressers a conta NOS. “Si nos keda haci kico nos ta haciendo awor, cos no lo caba bon.”

Combustiblenan cu base biologico, traha for di materialnan manera planta, vet y desperdicio di cuminda, ta central na e metanan Europeo pa corta gasnan di efecto invernadero. Union Europeo a compromete pa reduci emisionnan di CO2 pa 90% pa 2024 compara cu nivelnan na 1990, cu meta pa alcanza neutralidad climatico pa 2050. Den 2024, combus-



tiblenan biologico a conta pa 14% di un tanki di combustible tipico.

Na Hulanda, mas di 90% di combustible biologico ta bin for di desperdicio of restonan considera sostenible. Desperdicio likido manera azeta pa cushina usa y Palm Oil Mill Effluent, conoci como POME, ta particularmente valioso pasobra nan ta cualifica pa subsidionan Europeo y ta conta dobel pa metanan sostenible di companianan.

Pero e incentiva lucrativo tambe ta crea loke Bressers a yama motivacion fuerte pa fraude den e cadena di suministro, di suministradornan

di materia curu pa facilidadnan di procesamiento. “Tin incentiva fuerte pa comete fraude,” Bressers a conta NOS.

Investigacionnan pa Transport & Environment, un organizacion ambiental di Europa, a revela cu companianan ta falsificando documentonan y ta label productonan incorrectamente riba un escala enorme. Materialnan no sostenibles, incluyendo azeta di cushina y palma fresco, ta haya label incorrecto manera azeta di cushina usa y POME. Algun compania ta mescla productonan no sostenibles cu desperdicio genuino y despues ta traha certi-

ficado fraudulento cu mester garantisa e sostenibilidad y origen di e combustiblenan.

Combustiblenan biologico falso por ta mesun contaminante cu combustible fossiel. Den algun caso, nan ta pio pasobra azeta di palma ta asocia cu deforestacion den Indonesia y Malaysia. Esaki a pone EU pa parcialmente prohibi azeta di palma den combustiblenan biologico.

Pero hopi di e material cuestionable supuestamente ainda ta drenta Europa via Hulanda. Menos cu 5% di e azeta di cushina usa converti den combustible na Hulanda tin origen domestico. Mayoria ta ser importa, mayormente for di China. Hulanda no ta produci POME mes y esaki ta bin mayormente for di Indonesia y Malaysia.

Un analisis na 2024 pa Transport & Environment a descubri cu Malaysia a exporta tres biaha mas POME compara cu loke el a produci y importa. Na 2023, EU y Reino Uni hunto a reporta procesamiento mas cu dos biaha e cantidad di POME globalmente disponible. Discrepancianan asina a stimula sospecho y fraude

sistematico den Asia, cual a stroba aplicacion. “E ta un cadena global cu ta caba aki na stacion di gasolin y ta cuminsa den, por ehempel, Malaysia of Indonesia,” Bressers a conta NOS. “Na Hulanda, nos por audit recordnan y conduci inspeccion, pero ta hopi mas dificil pa haci esey aya.”

Hasta dentro di Hulanda, bista ta enfrenta obstaculonan tecnico. No por distingui POME y azeta di palma kimicamente, cual ta haci inspeccion casi imposible un bes cu materialnan ser mescla. azeta di cushina fresco y usa tambe ta presenta e mesun problema. “Nos conocimiento ta creciendo, y nos lo keda crece den e proximo periodo,” Bressers a conta NOS.

Natuur & Milieu ta keda skeptico tocante NEa su capacidad pa policia e comercio. “Actualmente NEa ta supervisa solamente e companianan basa den Hulanda,” Onnen a conta NOS. “Nos ta boga pa mas colaboracion y inspeccion mas trempan den e cadena. Reguladornan Europeo mester por conduci chequeonan fisico pafo di Europa.”

Accidente hit & run na Jucuri a laga chauffeur herida



Dialuna mainta a drenta informe di un accidente cu hende herida na Jucuri, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente hit & run unda un chauffeur lomba sunu den un auto Chevrolet shinishi biniendo for di pabao y coriendo meymey di caminda a pone cu e chauffeur contrario den un Honda Fit a kita mas na man drechi,



pero asina mes e Chevrolet a dal den banda. Djey e Chevrolet a sigui sin para mientras a laga e victima cu dolor di cabes. Na yegada di e ambu-

lance nan a atende e victima y cu deliberacion cu su dokter di cas el a ser atendi na e sitio mes.

Chauffeur a bay dal basta duro riba un troncon na Bushiri L.G. Smith Blvd.



Dialuna madrugada a drenta informe di un accidente cu hende herida na Bushiri L.G. Smith Blvd., mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di e chauffeur di un auto a perde control baha caminda y a bay dal basta duro riba un mata di coco kibra esaki. Debi na e impacto e chauffeur a resulta herida. Na yegada di e ambulance nan a atende e victima.

Agente Policial riba pia fin di siman

Control Policial den Oranjestad: 93 boet reparti



Diabierna atardi un ploeg di Districto Oranjestad a organisa un Control Policial na e Districto di Oranjestad. E meta primordial di e control di trafico tabata enfoca riba diferente infraccion den trafico pero tambe e parti preventivo, pa asina crea mas conscientisacion den trafico.

Ploeg di Oranjestad tabata compaña pa Motor Unit, Polis di Bario Oranjestad, TourismOriented Police, K9 Unit, CEA, Central di Polis, Departamento di informacion y como tambe takelwagen. Minister di Husticia Sr. Arthur Dowers como tambe Hefe di Polis Uniforma Sr. De Mey como tambe Hefe

di Districto Oranjestad Sr. Brown tambe tabata presente pa duna sosten na e agentenan policial cu tabata eherciendo nan trabou.

Na final di atardi e controlnan a sigui bay t'e den oranan di anochi na diferente localidad strategico den Oranjestad.

E accion Policial aki tabata fructifero y a resulta cu 350 vehiculo a wordo controla di cual tabatin 93 boet reparti pa diferente infraccion manera:

Belasting, Rijbewijs, Safety belt, Seguro y Keuring. Tambe 3 vehiculo a wordo confiscas. Durante control a bin encontra marihuana, cocaina, moli y sambechi. Tur esaki-

nan a wordo tuma den beslag.

Un accion bon organisa cu no ta descarta cu lo tin mas na caminda. Na cualkier momento di dia nos agentenan policial por controla un vehiculo pa un trafico mas sigur na Aruba. Nos mensahe na nos comunidad tapa Semper tin bo documentonan na ordo y Busca Bo Amigo Re-

Entrada hudicial cu detencion na 2 cas di bouncer relaciona cu maltrato

Pa ta exacto den madrugada di dia 16 di maart a sucede un caso di maltrato na un snacktruck, unda cu 2 bouncer a maltrata un DJ cu tabata den compania di un mucha muhe y e mucha muhe aki a cana bay laga e DJ na e sitio.

Un rato despues polis a bin logra haya e victima banda di Sasaki. Despues di casi 4 luna polis hunto cu recherche a logra detene 2 bouncer na nan cas.

Na e cas nan lo mester a haya e arma usa y a confisca esaki tambe pa e investigacion.



Chauffeur a bira malo tras di stuur y bay dal 2 auto den direccion contrario!

Diadomingo mainta a drenta informe di un accidente cu hende herida na Tanki Leendert, mesora a dirigi tanto polis como 2 ambulance na e sitio.

Na yegada di e patruya a bin compronde cu e chauffeur di e Honda Fit bayendo pariba diripiente a bira malo bay banda robes di caminda dal den banda di e Toyota Vitz pone e Vitz perde control mientras el a sigui bay dal e Hyundai Eon tambe. Debi na e impacto 3 persona a resulta herida di cual 2 a ser hiba hospital mientras e di tercer a ser atendi na e sitio mes.



Polis a stop mecanico di core cu auto y a pon'e busca un takelwagen riba su propio gasto!

Diadomingo mainta un mecanico a dicidi pa bay dal un buelta cu un auto sin luz, sin number y sin ningun documento pa test.

Pa su mala suerte polis a topa cune y a par'e. Polis a hala su atencion pasobra e ta insigur riba caminda si algo pasa. Polis a dun'e un boet y a pone e mecanico mes busca un takelwagen pa hiba e auto back pa su garashi.




Polis y ambulance a bay Cura Cabay pa un mucha cu a cay for di trampolin



Polis y ambulance a bay pa un pelea entre 2 persona

Diadomingo anochi a drenta informe di un pelea entre 2 persona unda un di nan a cay y kap su cabes banda di RCA na Companashi, mesora a dirigi tanto polis como ambulance na e sitio.

Na yegada di e patruya y ambulance nan no a bin encontra cu ningun hende pues nan lo a bandona e sitio di pelea.



Diadomingo atardi a drenta informe di cu un mucha lo a cay for di un trampolin na Cura Cabay, mesora a dirigi tanto polis como ambulance na e sitio.

Na yegada di e patruya na e

sitio a bin compronde cu aki ta trata di un mucha cu tabata den un trampolin y di un manera of otro el a cay abao. Na yegada di e ambulance nan a atende e mucha y a transport'e pa hospital pa un control mas extenso.

Polis y ambulance a bay pa un persona cu a bira malo despues di un accidente

Diadomingo merdia a drenta informe di un accidente cu un persona herida na Tanki Leendert,

mesora a dirigi tanto polis como ambulance na e sitio.

Na yegada di e patruya a bin compronde cu 2 auto a dal den otro y un pasahero lo a dal su cabes y no por a

move su pianan. Na yegada di e ambulance nan a atende e victima y a transport'e pa hospital.

Tur vehiculo cu wordo kita door di polis ta bay R.S.I.

Ta trata di vehiculonan den custodia

Cuerpo Policial Aruba ta informa comunidad cu entrante 7 di juli 2025 tur vehiculo cu wordo kita door di polis lo wordo hiba den custodia (ter bewaring) na R.S.I. (Recovery Solutions& Investigation) situa na Avenida Milio Croes 40 A , Dakota ex Malboro Ball Park. (esaki ta exclui vehiculonan cu a wordo confisca como obheto di un investigacion penal).

Manera ta conoci dia 20 maart 2024 a tuma lugar un destaho publico y e compania R.S.I. a wordo scogi pa cu e proyecto di “Bewaring, Opslag en Takeldiensten KPA”.



E compania R.S.I. lo tin como tarea entrante 7 juli 2025:

- Nan ta encarga pa takel e vehiculo cu wordo kita door di polis y hiba nan na e localidad di R.S.I. situa na Avenida Milio Croes
- Ta percura pa warda e vehiculo y ta responsabel pa cu esaki.
- R.S.I. lo tin den custodia tur vehiculo cu wordo

kita dor di Polis.

- E orario cu e doño por busca nan vehiculo ta di dialuna pa diasabra di 09:00 am pa 8:00 pm na R.S.I.
- Pa por haya e vehiculo back e doño mester presenta cu e documentonan valido. Paga e costo di takel y e wardamento. Esaki ta conforme articulo 20 y articulo 30 di Landsverordening We-



gverkeer (AB 1997 no 18), articulo 1 sub B y C, articulo 5 y 6 di Retributie- en Legesbesluit Korps Politie Aruba 2002 (AB 2003 no. 4).

E pago ta solamente via swipe machine. No ta acepta cash. Esaki ta wordo paga na R.S.I. su oficina.

E costonan ta como lo siguiente :

- Pa takel e vehiculo ta Afl. 175,-
- Si e vehiculo p.e. wordo hala for di caminda y poni un banda esaki ta Afl. 75,-

Pa cada dia cu e vehiculo keda na R.S.I. tin un costo di Afl 25,-

Tene bon na cuenta cu si bo no bin busca bo vehiculo den 48 ora, bo persona lo ricibi un carta na cas na unda cu esaki ta mara na gastonan adicional.

Despues di 90 dia cu e vehiculo keda den custodia, esaki lo wordo bendi na findishi of e lo wordo destrui si e no wordo bendi.

Resultado Sorteo
Juli 14

Cadena Alexander Lottery ta presenta resultado di weganan di suerte

DIARIO	KORSOU	SUPER4	FLAMINGO
9839	0559	9589	5202
5040	0542	SUPER5	2950
6745	2103	-	3766

MERDIA

Sorteo # 4680

3598

2328

1328

X2

Sorteo # 4680

4487

FP

Sorteo # 2736

7044

Sorteo # 4680

5482

Scorpio

Sorteo # 1554

848

X3

Sorteo # 8595

3527

5388

0041

x2

Sorteo # 7639

9724

x3

Sorteo # 2344

5537

Sorteo # 6398

0451

Sagitario

Sorteo # 1328

123

x5

Sorteo # 2608

0 x Jackpot

0 x Match 4+

0 x Match 4

0 x Afl. 12,00

Joker Letter

Proximo Jackpot

235.000,-

Sorteo # 6886

0 x Jackpot

3 x Match 4

123 x Afl 8,00

03-15-18-24-26

Proximo Jackpot

56.000,-

Sorteo #

0 x Jackpot

0 x match 4

0 x Afl. 500,00

0 x Afl 50,00

0 x Afl.15,00

Mega Ball

Proximo Jackpot

260.000,-

Afl. 360.000,-

Sorteo #

Sorteo # 196

201995

#VALUE!

Diaranson dia 16 di juli ta celebra dia di Birgen del Carmen na Misa Cristo Rey na Brazil

Diaranson dia 16 di juli Aruba ta celebra dia di Birgen del Carmen. Na misa Cristo Rey tambe E devotonan por presenta pa asina sigui e sirbishi aki.

Como Birgen del Carmen ta e patrono di medio di trans-

porte, Pastoor Andry Soto lo bendiciona autonan di e devotonan cu presenta. Entre otro tambe e autonan di Brandweer, Polis, WEB, Setaar, Serlimar, ELMAR, Yat- enan/ botonan etc. Pastoor ta warda bo pa Santo Sacrificio di misa 6:30pm dia 16 di Juli.



Dokter na warda

Oranjestad **San Nicolas**
Hospital **Imsan**
7:00 pm / 10:00 pm **24 ora**

Botica na warda

Oranjestad: **San Nicolas:**
Trupial : Seroe Preto:
Tel. 583 8560 Tel. 584 4833
EMERGENCIA **911**

POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

BOTICA

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD

Setar	117
Web	525-4600
Elmar	523-7147

FUNERARIA

Aurora	588-6699
Royal Funeral H.	586-4444
Ad Patres	584-2299
Olive Tree	584-8888

Servicio di Taxi

Aruba Transfer Tour & Taxi C.A.
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**

Tel: 583-5400

**Fundacion Autismo
Aruba**

Irenestraat 21 Aruba
297-588-1179

**Fundacion Pa Nos
Muchanan**

Cumana 2 Aruba
297-583-4247

**Fundacion Tel Pa
Hubentud**

Wilhelminastraat 19
Aruba
297-588-6138

**Koningin Wilhelmina
Fonds**

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

**Stichting Fundacion
Guia Mi**

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081

Trahadonan di Ice Cream na Merca ta bisa cu lo stop uso di colorante artificial pa 2028



(AP) - Trahadornan di ice cream cu ta representa alrededor di 90% di e producto na Merca a compromete di kita colorante artificial for di nan producto den menos di 3 aña, oficialnan di salud federal a comenta dialuna.

E decision ta e mas recien den un esfuerzo boluntario for di trahadornan di cuminda pa contesta e yamadonan di e administracion di Trump pa kita colorante sintetico a causa di preocupacion cu esaki lo causa efectonan den salud. Den simannan recien, companianan incluyendo Nestle, Karft Heinz y General Mills a bisa cu nan lo kita colorante artificial for di nan cuminda

tambe.

“Esaki ta un momento ‘renaissance’ pa salud na Merca,” U.S Food and Drug Administration su Comisario Marty Makary a bisa na un conferencia di prensa.

Alrededor di 40 trahador di ice cream y demas produccionan similar a bisa cu nan lo kita 7 colorante basa riba petroleo for di nan producto pa aña 2028, segun Michael Dykes, presidente di International Dairy Foods Association. E colornan ta Red 3, Red 40, Green 3, Blue 1, Blue 2, Yellow 5 y Yellow 6. E grupo di mercado lo kier a identifica e firmanan, aunke hefe ehecutivo di Turkey Hill

Dairy Andy Jacobs tabata na e reunion.

E enfoke nacional riba colorante artificial pa cuminda ta un “bon paso pa tuma,” sinembargo e oficialnan no por ignora e contribuidornan conoci na malesa cronico, incluyendo sucunan agrega y vet satura cu ta comun pa haya den ice cream, Deanna Hoelscher, experto di nutricion di University of Texas a comenta.

“Djis saca of cambia e fuente di e colorante no ta necesariamente bay haci cu e ta bira un opcion saludable,” el a bisa. “E ta keda algo cu mester consumi den moderacion.”

Pronostico di tempo

Tempo:

Awe nochi: parcialmente nubia y generalmente seco
Den marduga y mañan: parcialmente nubia cu un awasero breve

Temperatura maximo 33 grado Celsius
Temperatura minimo 27 grado Celsius
Indice di calor (heat index) den y rond di oranan di merdia: 34 pa 40 grado Celsius
UV index: 12

Bahada di solo : 7:09 pm
Subida di solo : 6:18 am

Biento:

Moderate te basta fuerte for di direccion oost; Forsa 4 te 5 (20 te 39 km/ora, 11 te 21 nudo)
Den dia fuerte te posiblemente duro den rafaga; Forsa 6 te 7 (40 te 61 km/ora, 22 te 33 nudo)

Situacion general di tempo:

Humedad persistente den area, lo pone cu de bes en cuando mas nubia lo riba region local y produci algun awasero breve. Un proximo ola tropical ta aproximando parti oost di Caribe y lo pasa den region bay west durante di mañan diamars pa diaranson.

Condicionnan maritimo/estado di lama:

Na partinan protegi di costa: keto, rond di 1 pia.
Na partinan zuid: trankil te modera cu olanan di 1 pa 3 pia.
Na partinan oost te noordwest di costa; modera te localmente poco bruto cu olanan di 4 pa 7 pia, localmente 8 pia.

Aviso/ alerta:

Un aviso pa boto chikito ta na vigor pa partinan oost, noord te noordwest di area di costa. Cautela mester wordo eherce riba lama habri.



Aurora
Royal Pray
Funeral Home & Crematory

*The Lord is my shepherd; I shall not want.
He makes me lie down in green pastures.
He leads me beside still waters;
He restores my soul...
I will dwell in the house of the Lord forever.
Psalm 23*

With immense sadness in our hearts, yet with peace in trusting God's will, we announce that our beloved has peacefully entered the arms of the Lord. He was a father, son, devoted grandfather, brother, uncle, cousin, friend, and colleague.



Giovanni Bernadino Stephens

Better known as "Dino" or "Coloso the Salsa King"
*30 May 1971 – †08 July 2025

Remembered with Love by:

Son: Stephaen Germain Stephens

Parents: Dennis and Francisca Stephens
†Rose Halman

Godmother: Norma Martijn-Stephens
Godfather: Hose Geo

Siblings: Daine Stephens and Yadin Croes
Elaini Jimenez Rosario

Like Siblings:
Nyrobia Ramou, Ophelia Beyde, Esselien Beyde, Danny Quandt, Denis James, Orlando James

Grandchildren:
Germiana, G'naida, Gervina, Jernario, Germiano, Germanio, Ger'nilio

Aunts and Uncles:
Norma Martijn-Stephens
Herman Stephens
Alexandra Richardson
Alexandrina Stephens
Cleopatra Stephens

Nieces and Nephews:
Athena Stephens
Nathanaël Manzanares

Cousins: Anne Nurse, Glenys Nurse, Angelo, Elbert & Diane Stephens, Kevin, Tyrone & Natasha Winter, Rena, Rey, Rodi & Rolinda Stephens, Indra Robinson y Mark Richardson, Jillian & Julisa Jones, Ambrose James, Cleo Lawson, Imani Midi, Elijah Gorden, Armaly Wederfoort, Jereau Claire, Lincoln Jones

Relatives in Sint Maarten and Saint Martin: Haloman, James, Jacobs, Cannegieter, Bell, Kruythoff, Brown, Laveist, Peters, Javois, Maccow, Charville, Hughes, Dessoute.

Close Friends: Rosaura Semeleer-Quandt, Eddy Semeleer, Jeanédy Semeleer, Jean-Claude Martin, Christophe Joe aka Chubby, Stephen Hanley aka Steeve B, Marvin Bell, Monster Boirard, Ria Stephens, Nancy Arndell, Rayma Thomas.

His Wind Creek Family, especially the Casino Security Team

And many dear friends, extended relatives, and acquaintances: Stephens, Midi, Nurse, Beyde, Richardson, Jones, Tromp, Winter, Jackson, Canister, Wedervoort, Quandt, Kock, Guerero, Hong, Patricio, Simileer, Semeleer, Thomas, Arndell, Gakton, Ramou, Geerman, Perez, Araque, friends from Dakota, domino club, and cigar club.

We invite all family, friends, acquaintances, colleagues, and former colleagues to the Farewell Ceremony, which will take place at Aurora Funeral Home on Saturday, July 19, 2025, from 2:00 pm to 4:00 pm.

Following the funeral, we will not be receiving condolences at home.

Request:

In honor of his vibrant spirit, we kindly ask you to attend the farewell wearing joyful, colorful attire. Instead of flowers or wreaths, a donation box will be available during the ceremony. All contributions will support the Sint Paulus School in its mission to assist students with fewer resources.

We sincerely apologize if, in our grief, we may have unintentionally omitted anyone.

Aurora
Royal Pray
Funeral Home & Crematory

'Musica mester core den bo sanger'

El a canta hopi aña pa nos na mundo. awor Señor a yam' e cerca dje, pa forma parti di e Orkesta Celestial,

Cu inmenso dolor den nos curazon, pero conforme cu boluntad di Dios nos ta anuncia fayecimento di nos tata stima:



Sr. Victorcito Roberto Orman

Cariñosamente yama Boeis/ Boei
*07-06-1943 - †07-07-2025

Mayornan:

†Victor Orman

†Juanita Orman-Stamper

Señora: †lvy Marlene Orman-Van der Wall Arneman

Na number di su:

Yiunan

Miroushka y Jensley Trautenberg-Orman
Zoraida y Jorge Andrade Valente-Orman
Gregory Orman

Nieto(a)nan:

Gwendeline Orman
Sherreline y Dovier Olarte-Orman
Samuel Orman

Bisanietanan:

Evangeline Olarte-Orman
Eliashline Olarte-Orman

Rumannan:

†Diana Orman
Ina Orman
†Reina Orman
†Greta Janse-Orman
Veva Orman y famia
Jose y Lena Orman-Yarazaray y famia
Tila Ras-Orman y famia
Suzy y Frans van Kershaver-Orman y famia

Swa: Chona Ras

Iha:

Robin van Kershaver
†Grace Janse-Justina

Sobrino(a)nan:

†Carlos Maduro
Angelli Orman
Ricky Janse
†Grace Justina-Janse y Pachito Justina y famia
Mirailly Glaser-Janse y famia
Nonata Janse y famia
Michel Imanuel y Joëlle Livestro
Guido Imanuel y Reenah Mannoessingh y famia
Ronell Ras y yiu
Gilbert Orman y yiunan
Giannine Wester-Orman y famia
Robin y Charlotte van Kershaver-Cayatoc

Demas famia: Orman, Stamper, De Lange, Kock, Servage, Olarte, Gumbs, Feliz Matos, Vrolijk, Yarazaray, Maduro y Justina

Tur amigo, bisña y conocir, Integrantenan di Tipico Palisia, miembronan di Club Kibrahacha, Playa Pabao 60+, OPPA, Mr. Conga Percussion School, personal di Trinity Aruba y Wit Gele Kruis.

Si den nos tristesa nos por a lubida algun famia, amigo(a) of un ser kerí nos sincero disculpa pa esaki.

Acto di condolencia: dialuna 14 di juli 2025 di 6or di atardi pa 9or di anochi na Aurora Funeral Home na Oranjestad

Acto di entiero: diamars 15 di juli 2025 di 2or pa 4or di atardi na Aurora Funeral Home, sigui pa Santana San Hose na Savaneta

Despues di entiero no ta ricibi bishita di condolencia na cas.

*Señor ta mi wardador, mi'n tin falta di nada.
Den cunucu di yerba berde e ta ponemi sosega.
E ta hibami na awa trankil, pa mi bolbe haña forsa.
Salmo:23*



Cu inmenso tristesa na nos curason, pero conforme cu boluntad di Dios nos ta participa fayecimento di:



Sr. Rolando Tromp

Mihor conoci como "Boy"
*20-06-1947 - †10-07-2025

Na number di su **casa:** † Eufrasia A. Tromp

Manera yiu:

Candido (Candy) Tromp & Jourene Tromp-v.d. Biezen

Nieto(a)nan di su casa:

Jeandienne & Lyrick Pourier-Tromp
Jiandido Tromp & Lizaira Tromp
Chadwick Tromp y yiu Zayn
Canryenne Tromp & Richmar Kelly y yiu Alayna
Jaidwick Tromp & Jolaine Briesen

Rumannan:

Olinda Perez-Tromp & famia
† Roger de Windt & famia
Hubert & Grecia de Windt & famia
Swinda (Gichi) de Windt & famia
Leandra (Lala) de Windt & famia
Stanley (Tutu) & Xiomara de Windt & famia
Raymond (Long) de Windt & famia
Sergio (Che) de Windt & famia
Franco de Windt & famia

Cuñia: Sra. Vda. Rafaela Geerman-Tromp & famia

Sobrino(a)nan na Corsow: Rayen, Irsa, Angelo, Nidjeska, Sergio Jr., Sue-Ann, Carla, Fabian

Sobrino(a)nan na Hulanda: Myrna, Carlos y Eduardo

Sobrino(a) nan na Aruba: Beverly Williams-Perez, Ghislaine & Diederick Kemmerling-de Windt, Sjarlaine & Marlon Everon-de Windt, Mishoulaine & Rygel Semeleer-de Windt, Joanerly Ras.

Primo(a)nan stima: Mayra, Pedro, Elly & Sandra Tromp y demas primo(a)nan, Comer & Compernan, Ex coleganan y amigonan.

Demas famianan: Tromp, de Windt, Perez, v.d Biezen, Geerman, Pourier, Kelly, Williams, Andre, Kemmerling, Everon, Semeleer, Matos, Gomez, Ras
Nos ta pidi nos disculpa si den nos tristesa nos por a lubida un of otro famia of conocir.

Acto di condolencia y despedida lo tuma lugar
diananson 16 juli 2025 for di 9or pa 11or di mainta na Olive Tree Funeral Care & Crematory na Piedra Plat.

Nos ta lamenta cu despues di despedida nos no ta ricibi bishita di condolencia na cas.

Aurora

Royal Pray

Funeral Home & Crematory

"Those who trust in the LORD are like Mount Zion, which cannot be moved, but abides forever". (Psalm 125:1)

WITH SADDENED AND GRATEFUL HEARTS, WE ANNOUNCE THE DEATH OF:



SANDRA VERA WILSON
*03 February 1953 - † 10 July 2025

SON: HENRI J. WILSON
GRANDSON: SHAQEEM J. WILSON
SIBLINGS:
JOAN WILSON (ARUBA)
CORNELIUS WILSON (NETHERLANDS)
ROLAND WILSON (deceased) ARUBA
NORMAN WILSON (deceased) BONAIRE
GLENN WILSON (deceased) ARUBA
NIECES & NEPHEWS:
GIULLETTA WILSON HEROLD & FAMILY (USA)
RAURU WILSON & FAMILY (NORWAY)
MALCOLM WILSON (BONAIRE)
EFIA SCUOTTO-LUIS & FAMILY (CURAÇAO)
FEDON WILSON & FAMILY (USA)
LLOYD WILSON & FAMILY (NETHERLANDS)
STEFANIE JOHANSEN (NORWAY)

IN-LAWS: MARJOLEIN WILSON-FINIES

CLOSE FRIENDS:
IRMA WARNER
MERCEDES BROWN
CLEO KRUIHOF

DIRECT & EXTENDED FAMILIES: WILSON, EUSON, HASSELL, JONES, MARSDEN, McDONALD, BROOKS, TEARR, BERKEL, CONNOR, MARTIJN, ROYER, GRANGER, ANDREW, VAN AANHOLT, MAXWELL, WARNER, RICHARDSON, BOSCH, WEBERSTADT, WELLES, COFFIE, VAN PUTTEN, VIAPREE-MARS, FINIES, BES.

CLOSE FRIENDS, EX-COLLEAGUES OF POST ARUBA AND OTHER DEAR ONES: IN ARUBA, BONAIRE, CURACAO, ST. MAARTEN, STATIA, SABA, THE UNITED STATES, JAMAICA, THE NETHERLANDS, THE UNITED KINGDOM, NORWAY AND AUSTRALIA.

WE SINCERELY APOLOGIZE IF ANYONE WAS INADVERTENTLY LEFT OUT.

OUR SINCERE GRATITUDE AND APPRECIATION TO ALL THE STAFF, NURSES AND DOCTORS OF THE HOH, ESPECIALLY OF THE ICU, WHO ASSISTED IN MAKING THE LAST STAGE OF SANDRA'S LIFE AS COMFORTABLE AS POSSIBLE.

A SERVICE TO HONOR THE LIFE OF SANDRA VERA WILSON WILL BE HELD AT PRAY FUNERAL HOME, WEDNESDAY JULY 16TH 2025 FROM 1 PM -4PM WHERE FAMILY AND FRIENDS ARE INVITED TO PAY THEIR RESPECTS AND OFFER CONDOLENCES PRIOR TO CREMATION.

PLEASE NOTE THAT THIS WILL BE THE ONLY OPPORTUNITY TO EXTEND CONDOLENCES IN PERSON.

"Pa ken e ta interesa": Carta di tarifa di Trump ta crea conmocion entre lidernan mundial

(AP) – 90 acuerdo comercial den 90 dia no a sucede trempa den di dos termino di presidente Mericano, Donald Trump. "Dia di Liberacion" a pone panico den mercadonan financiero na april. Y acuerdonan sutil di comercio cu decenas di pais, el a bisa, ta tuma demasiado tempo. "Tin 200 pais," e presidente a reconoce. "No no por papia cu tur di nan."

Pues Trump a duna un bachi nobo na su plan pa impone tarifa riba casi tur nacion den un serie di carta presidencial inusual na lidernan mundial cu a pone limitenan nobo no solamente pa negocia-



cionnan di comercio – sino tambe pa estilo diplomatico, tono y entrega. Mayoria ta cartanan estilo 'yena e espacio' cu ta inclui number di lidernan y e tarifa di importacion. Palabranan ta capitalisa usando e estilo distintivo di Trump riba rednan social. Algun typo y problema di formato ta aparece.

Generalmente, e cartanan ta inclui un saludo di apertura, un keho, e menasa di un aumento grandi den tarifa, un deadline nobo, y un rampa di salida cu "nos lo, talbes, considera un ahuste na e carta aki" si cumpli cu cierto condicion. En bes di e comersacionnan diplomatico tipico di cosnan manera respet mutuo duradero, Trump ta cera cu "Danki na bo atencion pa e asunto aki!" y "miho deseo", sigui pa su firma di tres linea largo y como 14 cortico.

Tactica di negociacion

E bon noticia pa e lidernan di paisnan stranhero, Trump a sugeri, ta cu si el a manda bo un carta, e kier negocia. "Un carta kiermen un acuerdo," el a bisa durante un reunion di gabinete. "Nos no por reuni cu 200 pais."

Pero e tambe a logra haci su politica comercial erratico confuso pa partnernan comercial Mericano cu kier negocia un manera pa evadi su rabia. E presidente a escala e conflicto cu el a cuminsa cu e di dos partner comercial mas grandi di Merca, y un aliado di hopi tempo, aumentando e tarifa – efectivamente un impuesto – riba cantidad di importacion Canades na 35 porciento entrante 1 di augustus.

Diasabra, Trump a anuncia mas tarifa ainda, e biaha aki riba dos di e partnernan comercial mas grandi di Merca: Union Europeo y Mexico, na 30 porciento cada un.

Y ta leu di cla cu e tarifanan aki lo beneficia e bottom line Mericano. E menasa di Trump pa reforsa impuesto di importacion cu 50 porciento riba producto di Brazil lo por aumenta e costo di desayuno na Merca door di haci productonan basico den dieta Mericano, manera koffie y juice di apelsina, mas caro.

Recepcion varia

E respuesta na cartanan, cual Cas Blanco ta bisa ta bay manda via post, tabata varia. Prome minister Canades, Mark Carney su oficina a emiti un declaracion reconociendo e deadline nobo di 1 di augustus y sugeriendo cu e lo keda "defende fuertemente nos trahador y negoshi."

Presidente Brasileño, Luiz Inacio Lula da Silva, mientras tanto, a priminti tarifa retaliatorio y a duna orden na su diplomatonan pa debilbe e carta di Trump si e yega fisicamente na e palacio presidencial na Brasilia.

"Respet ta bon," Lula a bisa TV Record. "Mi kier ofrece di mi, y mi lo kier ricibie."

Aurora

Royal Pray

Funeral Home & Crematory

"Señor ta mi wardador, mi'n tin falta di nada Den cunucu di yerba berde e ta ponemi sosega. E ta hibami na awa trankil, Pa mi bolbe haña forsa". Salmo: 23

Nos ta anuncia fayecimento di:



Sharon Suzette Dirksz-Kock
*09-12-1971 - †11-07-2025

Acto di entierro lo wordo anuncia despues.

Aurora

Royal Pray

Funeral Home & Crematory

"Señor ta mi wardador, mi'n tin falta di nada Den cunucu di yerba berde e ta ponemi sosega. E ta hibami na awa trankil, Pa mi bolbe haña forsa". Salmo: 23

Nos ta anuncia fayecimento di:



Juliana Anasaria Kelly-Tromp
*16-02-1944 - †12-07-2025

Acto di entierro lo wordo anuncia despues.

Buskeda a termina pa personanan perdi despues cu rebeldenan Houthi di Yemen a sink un barco den Lama Cora

(AP) — E buskeda pa personanan perdi despues cu rebeldenan Houthi di Yemen a sink un barco den Lama Cora a yega su fin, ya cu al menos cuatro persona ta considera morto y 11 otro ainda no a ser haya, segun e companianan di seguridad priva envolvi a bisa dialuna.

E anuncio a yega mientras cu potret di satellite ta muestra lik di azeta biniendo for di e barco di carga Eternity C cu a sink, como tambe for di un otro barco di carga Magic Seas cu a sink pa via di e mesun rebeldenan Houthi sosteni pa Iran.

Ambos barco a ser ataca mas cu un siman pasa pa e rebeldenan como parti di nan campaña contra barconan cu ta pasa den e zona, relaciona cu e guerra entre Israel y Hamas den Gaza, cu a cambia hopi den e ruta di transporte maritimo den Lama Cora, caminda normalmente ta pasa \$1 triyon di mercancia anual.

Buskeda a caba, marinieronan ta perde

E companianan di seguridad priva Ambrey y Diaplous Group tabata encarga di e buskeda pa e hendenan perde fo'i Eternity C, un barco cu tabatin un equipo di seguridad di tres hende riba, pero no a pidi acompañamento for di e Navy Mericano ni di un forsa di Union Europeo den e



region. E barco a ser ataca riba 7 di juli y a enfrenta oranan largo di atakenan Houthi cu arma chikito y drone di bom prome cu a sink eventualmente den Lama Cora.

E prome atake riba Eternity C tabata un dia despues di e atake riba Magic Seas. Ambos barco tabatin bandera di Liberia y ta di doño Griego.

Dies hende a ser rescata bibo despues di e atake: ocho tripulantenan Filipino, un Griego y un Indio di e equipo di seguridad, segun e mision di EU Operation Aspides. Al menos cuatro ta considera morto, y 11 otro ainda ta perdi, segun EU.

E Houthi a bisa cu nan a tuma algun marinero despues di e atake, pero no a duna evidencia. E Embahada Mericano den Yemen a bisa cu nan ta kere cu e rebeldenan a

“secuestra” algun di e tripulantenan.

“E decision pa para cu e buskeda a ser tuma cu duda, pero e doño di e barco ta kere cu, den tur circunstancia actual, e prioridad mester ta pa yega na tera cu e 10 hende rescata na bida y duna nan e atencion medico urgente cu nan mester den e momento dificil aki,” segun un declaracion di e companianan di seguridad. “E pensamentonan di tur hende cu a yuda den e operacion ta cu e famianan di e hende cu ainda ta perdi.”

Derame di azeta despues cu dos barco a sink

E atake riba e barco tambe a trece preocupacion tocante dañonan ambiental den Lama Cora, un region conoci pa su coral y biodiversidad cu ta atrae buceadonan, turistanan y científiconan. Potret di satellite for di Planet Labs



PBC analisa dialuna pa The Associated Press ta muestra deramenan grandi di azeta den e Lama Cora caminda e barconan a sink.

Wim Zwijnenburg, un analista pa e organisacion di paz Hulandes PAX, a calcula cu e derame di azeta di Eternity C ta rond di 80 kilometer largo y di Magic Seas ta rond di 65 kilometer. El a adverti cu e azeta por menasa reservanan natural cerca di Eritrea na Africa y otro lugarnan.

E azeta ta bini di e tanki di e barco cu tabata ser usa pa nan propulsion. Otro desastre maritimo a muestra cu e azeta por evapora parcialmente so, pero ta keda dañino pa medio ambiente.

Houthi ta ataca barco desde 2023

Di november 2023 te december 2024, e Houthi a tuma

como blanco mas cu 100 barco cu misil y drone. Te awor, nan a logra sink cuatro barco y mata al menos ocho marinero.

E Houthi a para nan atake durante un tregua cortico den guerra. Mas despues, nan mes a bira blanco di un campaña intensivo di bombardeo ordena pa Presidente Mericano Donald Trump prome cu el a anuncia un tregua cu e rebeldenan.

E atake nobo di e Houthi ta yega mientras cu un tregua nobo den e guerra Israel-Hamas ta keda indeciso. Entre tanto, futuro di e dialogo entre Merca y Iran tocante e programa nuclear debilita di Tehran ta den duda despues cu Israel a lansa un guerra di 12 dia contra e Republica Islamico, cual a resulta den e bombardeo Mericano riba tres instalacion nuclear Irani.

Zelenskyy ta nombra prome minister nobo y ta eligi oficial cu a lidera acuerdo di mineral cu Merca

(Reuters)—Presidente Ucrainiano Volodymyr Zelenskyy a puntra prome minister suplente Yulia Svyrydenko dialuna pa lidera un gobierno nobo, creando e escenario pa un cambio politico mientras e guerra di Ucrania cu Rusia ta continua.

Zelenskyy tambe a propone cu e prome minister actual, Denys Shmybal, tuma over como minister di Defensa, describiendo e como cualifica pa un trabao hopi importante. E nominacionnan aki, cual ta rekeri aprobacion di parlamento, a bin mientras esfuersonan diplomatico pa caba cu e guerra, cual awor ta den su di cuatro aña, a para y mientras Ucrania ta busca pa rebiba su economia y con-



strui un industria domestico di arma.

“Nos...a discuti medidanan concreto pa aumento Ucrania su potencial economico, expande programanan di sosten pa Ucrainanonan, y aumenta nos produccion domestico di arma,” Zelenskyy a skirbi riba X.

“Den persigui e meta aki, nos ta iniciando un transformacion di e sector checutivo na Ucrania,” el a bisa, agregando cu el a propone pa Svyrydenko lidera e gobierno y “renoba significativamente su trabao.”

Svyrydenko, 39, ta un econo-

mista y a sirbi como prome minister suplente desde 2021. El a hunga un rol importante den e negociacionnan pa un acuerdo di mineral cu Merca. Shmybal a sirbi como prome minister desde maart 2020, haciendo e, e hefe di gobierno cu a sirbi mas largo desde cu e pais a haya su indepen-

dencia for di Moscu na 1991 ora e Union Sovietica a cay.

E lo reemplasa Rustem Umerov, ken Zelenskyy a sugeri siman pasa por ser nombra como embahador di Ucrania pa Washington.

Ucrania ta depende riba ayudo financiero for di su aliadonan Occidental pa financia gastonan di asunto social y humanitario mientras gran parti di e entrada estatal ta bay pa financia e ehercito y produccion di arma. Oficialnan Ucrainiano tambe a urgi partnernan di Kyiv pa yuda financia e industria di arma di e pais, incluyendo via proyec-tonan conhunto di defensa.

Potret di AP

Cambodia lo cuminsa cu reclutamento militar otro año mientras tension cu Tailandia ta persisti

(AP) — Prome Minister di Cambodia, Hun Manet, a bisa dialuna cu su pais lo implementa reclutamento militar cuminsando otro año, den un anuncio cu ta cuadra cu e tension persistente na frontera cu Tailandia.

E relacionnan entre e bisiñanan a deteriora drasticamente despues di un confrontacion arma dia 28 di mei den cual un soldad di Cambodia a muri den un di varios pida tereno chikito disputa.

Ambos banda a acorda pa de-escala nan disputa pa evita mas enfrentamento, pero ta sigui implementa of menasa medidanan cu a mantene e tension halto, banda di intercambio di palabranan skerpi.

E disputa tambe a lanta e



politica interno di Tailandia. Prome Minister Paetongtarn Shinawatra a keda suspendi for di oficina despues di a haci loke criticonan a mira como un comentario denigrante tocante e ehercito di su pais den un yamada di telefon na e ex-prome minister di Cambodia, Hun Sen, kende a leak un grabacion di esaki.

Hun Manet, yiu homber y sucesor di Hun Sen, a bisa cu cuminsando 2026, un ley existente riba reclutamento lo ser implementa pa yena scarsedad y mehora e capacidad di e militar.

“Esaki ta nos compromiso,” Hun Manet a bisa den un discurso na forsanan mili-

tar den e provincia norte di Kampong Chhnang. E tabatin su uniform militar bisti cu tabata muestra su rango di un general di cuater strea.

Hun Manet a bisa cu soldadnan cu ta drenta e ehercito pa medio di reclutamento tabata mas eficiente cu un forsa bolutario y por lo menos mesun profesional.

E ley di reclutamento a ser aproba na 2006, pero nunca a activa esaki. Camboyanonan di tur dos sexo, di 18 pa 30 año, mester sirbi pero pa hende muher, servicio ta bolutario.

Tailandia pa hopi tempo a implementa reclutamento pa hombernan cu yega 20 año di edad, cu un loteria anual cu ta determina ken di nan ta ser yama.

E World Factbook di CIA ta calcula cu e forsanan arma di Cambodia ta conta 200.000 personal, incluyendo un forsa grandi di polis militar. E ta bisa cu Tailandia tin 350.000 personal den servicio activo den su forsanan arma.

Hun Manet tambe a pidi pa aumenta e presupuesto militar. Cambodia ta un di e paisnan mas pover di e region, cu un presupuesto nacional di \$9,32 biyon pa 2025, di cua e parti mas grandi, \$739 miyon, a bay pa defensa.

Tambe el a ripiti yamadonan pa Tailandia habri back sin condicion tur crusada di frontera cu el a cera, bisando cu Cambodia lo reciproca dentro di algun ora.

E biblioteca di mas bieu di Hungria ta bringando pa salba 100.000 buki for di un infestacion di insecto

(AP) — Dies miles buki di siglonan bieu a ser saca for di e reki di un abadía medieval na Hungria den un esfuerço pa salba nan di un infestacion di insecto cu por elimina siglonan di historia.

E Archabbey di Pannonhalma di 1.000 año bieu ta un monasterio benedictino extenso cu ta un di e centronan di siñamento mas bieu di Hungria y un sitio di Herencia Mundial di UNESCO.

Trahadornan di restauracion ta kitando mas o menos 100.000 buki mara na man for di nan rekinan y ta poniendo nan cuidadosamente den caha, e comienso di un proceso di desinfeccion cu tin como meta pa mata e insectonan chikito cu ta hinca den nan.

E asina yama “drugstore beetle”, hopi biaha ta ser haya entre cuminda seco manera grano, hariña y specerij. Pero nan tambe ta ser atraí na e lijmnan basa riba gelatina y azeta cu ta haya den buki.

A haya nan den un seccion di e biblioteca cu ta wanta alrededor di un kwart di e 400.000 volumen di e abadía.

“Esaki ta un infestacion di insecto avansa cu a detecta den varios parti di e biblioteca,



pues henter e coleccion ta clasifica como infecta y mester trata riba na mesun momento,” Zsófia Edit Hajdu, e hefe di restauracion di e proyecto a bisa. “Nunca nos no a topa cu un grado di infeccion asina.”

Abadía ta alberga tesoronan historico

E invasion di e biblioteca a ser detecta pa prome biaha durante un limpieza di rutina di biblioteca. Empleadonan a nota capanan inusual di stof riba e reki y despues a mira cu buraco a ser coba den algun di e spinanan di buki. Ora a habri e volumennan, por a mira yen di buraco den

e papel caminda e insectonan a kauw.

E abadía na Pannonhalma a ser funda na año 996, cuater año prome cu e establecimiento di e Reino di Hungria. Situa riba un sero halto di Hungria, e abadía ta acapara e coleccion di buki di mas bieu di e pais, y tambe hopi di nan registronan skirbi mas prome y importante.

Pa mas cu 1.000 año, e abadía tabata entre e sitionan religioso y cultural mas prominente na Hungria y henter Europa Central, sobreviviendo siglonan di guera y incursionnan stranhero manera e inva-

sion y ocupacion Otomano di Hungria den siglo 16.

Ilona Ásványi, director di e biblioteca di Pannonhalma Archabbey, a bisa cu e ta “humilia” pa e tesoronan historico y cultural cu e coleccion ta contene semper cu e drenta.

“Ta mareante pa pensa cu tabatin un biblioteca aki mil año pasa, y cu nos ta e wardadornan di e prome catalogo di buki na Hungria,” el a bisa.

Entre e obranan mas sobresaliente di e biblioteca tin 19 codex, incluyendo un Bibbel completo di siglo 13. E ta alberga tambe varios shen

manuscrito cu ta predici e invencion di e machine di print den siglo 15 y decenas di miles di buki for di siglo 16.

Mientras cu e impresionnan y bukinan mas bieu y mas unico ta ser warda separa y no a ser infecta, Ásványi a bisa cu cualkier daño na e coleccion ta representa un sla na herencia cultural, historico y religioso.

“Ora mi mira un buki casca pa un insecto of infecta di cualkier otro manera, mi ta sinti cu no ta importa cuanto chemplar ta ser publica y con reemplasabel e buki ta, un pida di cultura a bay perdi,” el a bisa.

Bukinan lo pasa varios siman den un ambiente liber di oxígeno

Pa mata e insectonan, e caha di buki ta ser hinca den saco di plastic halto y hermeticamente cera for di cual ta saca tur oxígeno. Despues di seis siman den e ambiente di nitrogeno puro, e abadía ta spera cu tur e insectonan lo ta destrui.

Prome cu ser poni back, cada buki lo ser inspecta y aspira individualmente. Cualkier buki dañá pa e plaga lo ser poni un banda pa trabounan di restauracion despues.